


文献通考

三百三十四




五八

漢書門類			
一〇〇冊	一〇八函	一五六八號	

內閣文庫	
元和	一五六八
函	一〇八
冊	一〇〇
架	

內閣文庫	
番號	漢 11568
冊數	100 (88)
函號	294 1



文獻通考卷之三百一

淺草 文庫

宋鄱陽 馬端臨 貴與 著

明蘄陽 馮天馭 應房 校刊

物異考 歲凶

即五行所謂稼穡不成也然則歲凶年穀不登蓋土失其性所致而地震山崩之屬亦土失其性也故以繼歲

凶之後

春秋莊公二十八年冬大水亡麥禾劉向以為水旱當書不書

水旱而曰大亡麥禾者土氣不養稼穡不成也時夫人淫于二

叔内外亡別二叔謂莊公二弟仲慶父及孫牙又因凶飢一年而三築臺故應

稼穡不成飾臺榭内淫亂之罰云

秦始皇十六年民大飢 十九年大飢

漢高祖二年關中大飢米斛萬錢人相食令民就食蜀漢

文獻通考卷之三十一

武帝建元三年平原大飢人相食

元鼎三年四月關東郡國十四餘飢人相食

元帝初元元年九月關東郡國十一飢或人相食輔郡穀以相救

二年六月關東飢齊地人相食 王莽地皇時天下大飢寇盜鋒起

後漢建武二年關中飢人相食

安帝永初三年京師大飢民相食

桓帝延熹九年司隸豫州飢死者什四五至有滅戶者

獻帝興平二年關中大飢人相食啖白骨委積

吳孫皓時常歲無水旱苗稼豐美而實不成百姓以飢鬪境皆然連歲不已吳人以為傷露非也劉向春秋說曰土氣不養稼穡不成此其義也皓初遷武昌尋遂建業又起新館壯

麗過甚犯暑妨農官私疲怠月令季夏不可興土工結皆買之此修宮室飾臺榭之罰也

晉愍帝建興四年京師大飢

元帝大興二年吳郡吳興東陽無麥禾大飢

成帝咸和五年無麥禾天下大飢

穆帝永和十年二麥不登 十二年大無麥

孝武太元六年無麥禾天下大飢

安帝元興元年無麥禾天下大飢

北齊後主武平四年山東飢時大興土木窮侈極麗後官侍御千餘人皆寶衣玉食逆平之

隋煬帝大業五年其代齊郡飢先是建立東都制度崇侈

又宗室諸王多遠徙邊郡

唐貞觀元年關內飢

總章二年諸州六十餘飢
儀鳳四年春東魯飢

調露元年秋關中飢

永隆元年冬東魯飢

永淳元年關中及山南州二十六飢京師人相食

垂拱三年天下飢

大足元年春河南諸州飢

景龍二年春飢

三年二月飢
先天二年冬京師岐隴幽州飢

開元十六年河北飢

乾元二年春飢米斗錢千五百

廣德二年秋關輔飢米斗千錢

永泰元年飢京師米斗千錢

貞元元年春大飢東都河南河北米斗千錢死者相枕

二年五月麥將登而雨霖米斗千錢

十四年京師及河南飢

十九年秋關輔飢

元和七年春飢

八年廣州飢

九年春關內飢

十一年東都陳許州飢

長慶二年江淮飢

太和四年河北及太原飢

六年春劔南飢

九年春飢河北尤甚

開成四年温台明等州飢

大中五年冬湖南飢

六年夏淮南飢海陵高郵民於官河中漉得異米號聖米

九年秋淮南飢

咸通三年夏淮南河南飢

九年秋江左及關内飢東都尤甚

乾符三年春京師飢

中和二年關内大飢

四年關内大飢人相食

光啓二年二月荆襄大飢米十三千錢人相食

三年揚州大飢米十萬錢

大順二年春淮南大飢

天祐元年十月京師大飢

宋明道二年南方大旱種餉皆絕人多流亡因飢成疫死者十

二三官作粥糜以飼之然得食者輒死墟里幾為之空

建炎元年汴京大飢米升錢三百一鼠之直數百錢人啖道殣

骼無餘齒取水藻春槐葉以食

三年山東郡國大飢人相食時金虜陷京東諸郡民聚為盜至

車載乾尸為糧

紹興元年行在越州及東南諸路郡國飢以賑勸分禁遏雜淮

東京東西流民聚常州平江府者多殍死郡縣之

二年春兩浙福建飢米十千錢令憲臣移賑特饘饌繁急民益難

食紹漕工東西上供粟給軍饌以寬浙民

三年吉郴道州桂陽監飢皆令宣諭使賑之流民之

五年湖南大飢殍死流亡者衆詔移粟減賦夏潼川路飢米

斗二千人食糟糠興元飢民流于果園賑之秋温處州飢賑

粟萬石以賑

六年春浙東福建飢湖南江西大飢殍死甚衆民多流徙郡邑盜起令帥臣部使者賑粟夏四月蜀亦大飢米斗二千利路倍之道殍枕藉令帥臣賑粟蜀賦是歲果州守臣宇文彬獻禾不宜導使坐黜罰

七年夏欽廉邕州令常平使者賑粟

九年江東西浙東飢米斗千錢饒信州尤甚令出常平粟以賑

十年浙東江南荐飢人食草木令戶部條賑飢市下之諸路

十一年京西淮南飢令通商後粟

十五年汀虔州以盜妨農令部縣賑粟貸種

十八年冬浙東江淮郡國多飢令諸道常平紹興府大飢民之仰哺于官者二十八萬六千人賑之不給人食糟糠草木殍死

殆半流民渡江至行都事上聞令臨安府賑遣復業

十九年春夏紹興府飢流如初明婺州亦飢今常平使者賑集之

二十四年衢州飢

二十八年平江府飢

二十九年紹興府荐飢皆發常平義廩以賑

隆興元年紹興府大飢四川尤飢民食蕨根平江襄陽府隨泗州棗陽盱眙大飢隨棗間米斗六七千令有司皆賑之粟

二年平江府常秀州飢華亭縣人食糝糠行都及鎮江府興化

軍台徽州亦難食皆令守臣及常淮民飢流江南者數十萬人

詔內郡移粟施惠安集之

乾道元年春行都平江鎮江紹興府湖常秀州大飢殍徙者不可勝計州縣爲糜食之行都城外爲糜四十餘日數萬人是歲

台明州江東諸郡皆飢令賑之粟 夏亡麥

三年夏亡麥

三年九月不雨麥種不入

四年春蜀邛綿劍漢州石泉軍大飢邛為甚盜延八郡漢飢民至九萬人內出宸翰賜制置使汪應辰議行荒政賜僧牒四百助之

五年夏饒信州荐飢民多流徙徽州大飢人食蕨葛台楚州盱眙軍亦飢令部守部使者發廩移粟勸分秋冬不雨淮郡麥種不入

六年冬寧國府廣德軍太平温湖秀池徽和州皆飢令漕江西廣東粟以賑

七年秋江東西湖南十餘郡飢江筠州隆興府為甚人食草實

流徙淮甸發廩賑之不給詔立勸分賞格內出左帑增賑饒州出內帑收育棄孩淮郡亦荐飢金

虜謀知運麥於淮北岸易南岸銅鑪斗錢八十江西飢民流光

濠安豐間皆效淮人私糴淮雖為耗荆南亦艱食宣撫使下蜀粟以賑

八年江西三麥隆興府荐飢南昌新建縣飢民仰給者一萬八

千餘人先是去歲秋詔淮浙江湖諸路帥漕臣勸課二麥官借種糧

九年春成都永康邛三州飢 秋台州飢發江西米數萬石以賑温婺州

亦飢令各郡賑粟禁遏糴是郡國告飢詔盡發常平粟截上供賦以賑令帥漕臣申勸種麥

淳熙元年浙東湖廣江西蜀關外皆飢白處柳桂昭賀尤甚

令賑以常平義廩江西一道至六十二萬斛

二年淮東西江東飢除真揚州盱眙軍建康府為甚詔賑以常平米池賦

通商貨種糧勸布麥立勸分賞格是歲鎮江寧國府常州廣德軍亦艱食皆賑

三年淮甸飢 夏台州亡麥冬復施隨郢州荆門軍襄陽江陵

德安府大飢

四年春尤飢今發屯田粟二萬六千五百餘石以賑

六年冬和州飢泰通楚州高郵軍大飢人食草木皆賑

七年鎮江府台州無為廣德軍民大飢令出常平米賑之春池

兩歲是歲江浙荆湘淮郡皆飢皆蠲賦于粟或一

八年春江州飢人採葛而食詔罷冬行都寧國建康府嚴發

太平州廣德軍飢徽饒州流徙入淮郡者萬餘人授田江東師

漕臣賑粟十一月辛卯內出庚牌下淮南勸種麥遣使分行兩

浙江東淮南路賑贍安集之令江浙湖北行勸分賞格已亥浙

東常平使者朱熹進對論荒政請粟勸分及蠲田賦身丁錢

十嘉祐之十二月戊申詔江浙淮湖北三十八郡並免之

九年春大亡麥行都飢於潛昌化縣人食草木出豐儲倉米為

以食之飢民之就食者一萬四千五百餘人浙西湖州浙東紹興府衢發嚴

明台州飢徽州大飢種稔亦絕令常平使者賑恤之湖北七郡荐飢令帥

之蜀潼利夔三路郡國十八皆飢流徙者數千人令饑曹守

十年合昌州荐飢令饑曹守恭州飢民就賑相踐死者三十餘

人令饑曹守

十一年泉汀漳州興化軍亡禾邕賓象州飢令帥臣賑

十二年福建飢亡麥江西廣東西飢皆令帥金州飢有流徙者

令郡十四年金洋階成鳳西和州人之食令漕臣七月秀州飢有

流徙者詔出粟二萬斛臨安府九縣飢令發廩二十

十六年夏成州亡麥 冬階成鳳西和州荐飢令饑臣賑之乾

意民事勸課農桑宮中親蠶後苑種稼藝麥以驗歲功間取民

間繭麥觀之或繭薄穗短則謙然為農婦不滿修圩浚渠廣勸

種麥遇水旱之變則發廩予財蠲賦已責移粟勸分都國毀最

視荒救為升黜一時吏治篤厚風俗趨本奏對者多言農田水

利方守血食之神非順成不加封爵歲雖小儉莫不疾呼于上

發粟往哺競以民庸自見故荒政靡歲不聞然家給人足行都

米斗五六錢江淮荆襄粒米狼戾蜀楚斤至十餘錢民物阜

樂庶幾入康夫豈一日之積哉趙雄嘗奏得南康守臣朱熹書

言荒政之行民戴上恩凶年化為樂歲上曰陳峴亦奏蜀兩場

時若民俗熙恬農事天下大本朕未嘗不念邇宮士大夫方知

以農事為重以虛浮為耻又曰朕不鬻爵

以清入仕之源惟以賑飢推官乃為民也

紹熙二年

階成鳳西和州亡麥

夔路五郡飢渝涪為甚

三年資榮州亡麥普叙簡隆州富順監皆大飢亡麥殍者甚眾

流民聚成都府至千餘人威遠縣棄兒且六百人為糜以食飢

民八萬餘人多不能活詔出緡揚州亦飢令出粟十

粟賑之

崇禎三年重刊

四年簡資普州飢綿州亡麥均賑夏紹興府亡麥安豐軍大亡麥

五年冬亡麥苗行都淮浙西東江東郡國皆飢常明州寧國鎮

江府廬滁和為甚人食草木或一部至五萬緡石不給航廣粟

慶元元年春常州飢民之死徙者眾楚州飢人食糟粕淮浙流

民多聚于行都上念郡國賑恤未至詔部使者守令謹行荒政

三年浙東郡國亡麥台州大亡麥民飢多殍襄蜀亦飢

四年秋浙東西荐飢多道殣

六年冬常州大飢仰哺者六十萬人潤揚楚通泰州建康府江

陰軍亦乏食皆令守嘉泰元年浙西郡國荐飢常州鎮江嘉興府為甚皆令常平

二年四川飢廣安懷安軍潼川府大亡麥出川緡入十萬衡郴

州武岡桂陽軍乏食

三年春邵永州大飢死徙者眾民多剽盜令常平使夏行都

四年春撫袁州隆興府臨江軍大飢殍死者不可勝瘞有舉家

二十七人同赴溺者令部發常平糶賑之

開禧二年紹興府衢婺州亡麥湖北京西淮東西郡國飢民聚

為剽盜分命宣諭南康大安軍忠涪州皆飢令部使者及

嘉定元年淮南大飢人食草木流徙江浙者百萬人先是開禧

開邊淮郡殘於兵火農久失業米斗二千殍死者十三四炮人

肉馬矢中以食詔所至郡國賑恤歸業時邦儲亦匱郡計不支

去者多死亦有為濠豐餘虜俘掠而北者是歲行都亦飢米斗

千錢詔發廩廣糶

崇禎三年重刊

切其

崇禎三年重刊

二年春兩淮荆襄建康府太飢米斗錢數千人食草木淮民劫道殪食盡發瘞齒繼之人相搯噬流徙之聚於揚州者數千家渡江者聚建康殍死日八九十人詔發廩賑施皆十萬餘石令州郡置粥院為糜以活之是秋諸路復大歉常潤尤甚冬行都大飢殍者橫市道多棄兒十二月甲戌令發粟賑施盡其月

三年春建康府大飢人相食 五月衢州飢頗聚為剽盜守臣直平之勸分以賑

七年台州大旱麥

八年淮浙江東西飢都昌縣飢民聚為盜者三十六黨自秋至夏縣官出錢三百三十三萬緡粟四百八十五萬石以賑

九年行都飢閭巷有殍令賑粟蠲速

十年台衢婺饒信州飢多聚為剽盜台為甚蜀石泉軍飢殍死殆萬人皆令郡賑之

十一年秋淮浙江東飢饉無麥苗

十二年春潼川府飢而不害

十三年春福州飢人食草根令部賑之

十六年春海州新附山東民飢令海州賑之京東河北路新附山西

民亦飢今楚州賑之湖南永道州大飢令臣移粟以賑是歲行都江

淮閩浙郡國皆亡麥禾

十七年春餘杭錢塘仁和三縣飢令帥臣賑之鎮江府飢部為糜以

賑者日千餘人真鄂州亦乏食令通商分

地震

史記周幽王二年周三川皆震應劭曰震地也三川蜀也師古曰三川洛也洛即漆也川自震耳故將劉向以為金木水火土者也伯陽甫曰日昃而大周將亡矣天地之氣不過其序若遇其序民亂之也陽伏而不能出陰迫而不能升應劭曰迫陰迫不能升也於是地震今三川實

震是陽失其所而填陰也應劭曰失其所夫其道也填陰為陰陽失而在陰原必塞師古曰原謂水泉之本也原塞國必亡夫水土演而民用也應劭曰演引也所以引也土無所演而民之財用不亡何待昔伊雒竭而夏亡河竭而商亡今周德如二代之季其原又塞塞必竭川竭山必崩夫國必依山山川崩川竭亡之徵也若國亡不過十年數之紀也是歲三川竭岐山崩劉向以為陽失在陰者謂之氣來與枯水故川竭也山川連體下竭上崩事執然也時幽王暴虐安誅伐不聽諫迷於褒姒廢其正后師古曰褒姒善白華之詩所為作也廢后之父申侯與犬戎共攻殺幽王人所獻之女也申后也曰其在天文水為辰星辰星為變夷月食辰星國以女亡幽王之敗女亂其內夷攻其外京房易傳曰君臣相背厥異名水經有名之水

文公九年九月癸酉地震劉向以為先是齊桓晉文魯僖二伯

賢君新沒周襄王失道楚穆王弑父諸侯皆不肯權傾於下天戒若曰臣下強盛者將動為害後宋魯晉莒鄭陳齊皆弑君諸震畧皆從董仲舒也京房易傳曰臣事雖正專必震其震於水則波於木則搖於屋則瓦落大經在辟而易臣茲謂陰助服虔曰經常也辟音刑辟之辟蘇林曰大經五行之常經也在辟衆陰犯殺其上也師古曰辟讀曰辟謂常法僻壞而易臣也厥震搖政官大經搖政茲謂不陰厥震搖山山出湧水嗣子無德專祿茲謂不順厥震動丘陵涌水出

襄公十六年五月甲子地震劉向以為先是鷄澤之會諸侯盟大夫又盟是歲三月諸侯為淇梁之會而大夫獨相與盟五月地震矣其後崔氏專齊欒盈亂晉良霄傾鄭闞殺吳子燕逐其君楚滅陳蔡

昭公十九年五月己卯地震劉向以為是時季氏將有逐君之變其後宋三臣曹會皆以地叛蔡莒逐其君吳敗中國殺二君

二十三年八月乙未地震劉向以爲是時周景王崩劉單立王子猛尹氏立子朝其後季氏逐昭公黑肱叛邾吳殺其君僚宋五大夫晉二大夫皆以地叛

哀公三年四月甲午地震劉向以爲是時諸侯皆信邪臣莫能用仲尼盜殺齊侯齊陳乞弑君

貞定王三年晉空桐震二日臺舍皆壞人多死

漢惠帝二年地震隴西厭音一四百餘家

文帝五年二月地震

景帝後元年五月地震

武帝元光四年五月地震征和震厭殺人

後元元年秋七月地震

宣帝本始四年四月壬寅地震河南以東四十九郡北海琅

二年八月地震壞祖宗廟城郭殺六千餘人

地節三年九月壬申地震

元帝初元二年二月戊午地震隴西郡毀落太上皇廟殿壁木

飾壞敗城郭宮寺及民廬室壓殺人衆

建始三年地震

永光三年冬地震

綏和二年九月丙辰地震自京師至北邊郡國三十餘壞城郭

凡殺四百一十五人

王莽天鳳三年二月乙酉地震

後漢世祖建武二十二年九月郡國四十二地震南陽尤甚地

裂歷殺人其後武谿蠻夷反爲寇害至南郡發荊州諸郡兵遣

武威將軍劉尚擊之爲夷所圍復發兵赴之尚遂爲所沒

章帝建初元年三月甲申山陽東平地震

和帝永元四年六月丙辰郡國十三地震

春秋漢舍孽曰女主盛臣制命則地動圻畔震起山崩淪是時

竇太后攝政兄竇憲專權將以是受禍也後五日詔收憲印綬

兄弟就國逼迫皆自殺

五年二月戊午隴西地震先儒說民安土者也將大動行大震

九月匈奴單于於除難鞬叛遣使發邊郡兵討之

七年九月癸卯京都震儒說奄官無陽施猶婦人也是時和帝

與中常侍鄭眾謀奪竇氏權德之因任用之及幸常侍蔡倫二

人始並用權

九年三月庚辰隴西地震閏月塞外羗犯塞殺略吏民使征西

將軍劉尚擊之

安帝永初元年郡國十八地震李固曰地者陰也法當安靜人

乃越陰之職專陽之政故應以震動是時鄧太后攝政專事訖

建光中太后崩安帝乃得制政於日此陰類並勝西羗亂夏連十

餘年

二年郡國十二地震

三年十二月辛酉郡國九地震

四年三月癸巳郡國四地震

五年正月丙戌郡國十地震

七年正月壬寅二月丙午郡國十八地震

元初元年郡國十五地震

十一月庚申郡國十地震

二月郡國十地震 十一月癸卯郡國九地震

三月郡國十三地震

三月郡國十四地震

地異

卷三十一

十一

六年二月乙巳京都郡國四十二地震或地坼裂漏水壞敗城郭民室屋壓人冬郡國八地震

永寧元年郡國二十三地震

建光元年九月己丑郡國三十五地震或地坼裂壞城郭室屋壓殺人是時安帝不能明察信官人及阿母聖等讒云破壞鄧太后家於是專聽信聖及宦者中常侍江京樊豐等皆得用權延光元年七月癸卯京都郡國十三地震九月戊申郡國二十七地震

二年京都郡國三十二地震

三年京都郡國二十三地震是時以讒免太尉楊震廢太子

四年十月丁巳京都郡國十六地震時安帝既崩閹太后攝政弟兄閹顯等並用事遂斥安帝子更徵諸國王子未至中黃門遂誅顯兄弟

順帝永建三年正月丙子京都漢陽地震漢陽屋壞殺人地坼

湧水出是時順帝阿母宋娥及中常侍張昉等用權

陽嘉二年四月己亥京都地震是時爵號宋娥為山陽君

四年十二月甲寅京都地震

永和二年四月庚申京都地震是時宋娥構姦誣罔五月事覺收印綬歸田里十一月丁卯京都地震是時太尉王龔以中常侍張昉等專弄國權欲奏誅之時龔宗親有以楊震行事諫之止云

三年二月乙亥京都金城隴西地震裂城郭室屋多壞壓殺人

閏月己酉京都地震十月丙子二千餘騎入金城塞為涼州害

四年三月乙亥京都地震

五年二月戊申京都地震

建康元年正月涼州都郡六地震從去年九月以來至四月凡

百八十八日震山谷圻裂壞敗城邑傷害人物三月護羌校尉趙
冲爲叛胡所殺九月丙午京都地震是時順帝崩梁太后攝
政欲爲順帝作陵制度奢厲多壞吏民家尚書樂巴諫事太后
怒癸卯詔書收巴下獄欲焚之丙午地震於是太后乃出巴免
爲庶人

桓帝建和元年四月庚寅京都地震九月丁卯京都地震是
時梁太后攝政兄冀持權至和平元年太后崩然冀猶秉政專
事至延熹二年乃誅滅

三年九月己卯地震庚寅又震

元嘉元年十一月辛巳京都地震

二年正月丙辰京都地震十月乙亥京都地震

永興二年二月癸卯京都地震

永壽二年十二月京都地震

延熹四年京都右扶風涼州地震

五年五月乙亥京都地震是時桓帝與中常侍單超等謀誅
梁冀聽之並使用事專權又鄧后本小人性行無常苟有顏
立以爲后後卒坐執左道廢以憂死

八年九月丁未京都地震

靈帝建寧四年二月癸卯地震是時中常侍曹節王甫等皆專
權

熹平二年六月地震

六年十月辛丑地震

光和元年二月辛未地震四月丙辰地震靈帝時宦者專恣

二年三月京兆地震

三年自秋至明年春酒泉表氏地八十餘動湧水出城中官寺

民舍皆頓縣易處更築城郭

獻帝初平二年六月丙戌地震

興平元年六月丁丑地震

後主炎興二年蜀地震時宦人黃皓專權按司馬彪說關官無陽施猶婦人也皓見任之應與漢和帝時同事也是冬蜀亡

魏明帝青龍二年十一月京都地震從東來隱隱有聲搖屋瓦

景初元年六月戊申京都地震是秋吳將朱然圍江夏荆州刺

史胡質擊退之又公孫淵叛自立為燕王改元置百官明年討平之

齊王正始二年十一月南安郡地震

三年七月甲申南安郡地震 十二月魏邵地震

六年三月丁卯南安郡地震時曹爽專政遷太后于永安

與帝泣別連年地震是其應也

吳孫權黃武四年江東地震連震時權受魏爵命為大

王而改元專制不修臣迹京房易傳曰臣事雖正專必震劉

向云臣下強盛將動而為害之應也

嘉禾六年五月江東地震

赤烏二年正月地震再震時呂一專事步騭上疏以為臣下專政之應

赤烏十一年二月江東地仍震時權聽讒尋黜朱據廢太子

晉武帝泰始五年四月辛酉地震是年冬新平氏羗叛明年孫

皓遣大衆入渦首口

七年六月丙申地震

咸寧二年八月庚辰河南河東平陽地震

四年六月丁未陰平廣武地震甲子又震

太康二年二月庚申淮南丹陽地震

五年三月朔壬辰京師地震

六年七月己丑地震

七年七月南安捷其馬反為地震 八月京兆地震

八年五月壬子建安地震 七月陰平地震 八月丹陽地震

九年正月會稽丹陽吳興地震 四月辛酉長沙南海等郡國

八地震 七月至于八月地又四震其三有聲如雷 九月臨

賀地震 十二月又震

十年十二月己亥丹陽地震

太熙元年正月地又震武帝世始于賈充終于楊駿阿黨昧利

苟竊朝權至于末年所任轉弊故頻年地震過其序也終喪天

下 惠帝元康元年十二月辛酉京師地震此夏賈后使楚王瑋殺

汝南王亮及太保衛瓘此陰道盛陽道微故也

四年二月上谷上庸遼東地震 五月蜀郡山移淮南壽春洪

水出山崩地陷壞城府 八月上谷地震水出殺百餘人

十月京都地震 十一月榮陽襄城汝陰梁國南陽地皆震 十

二月京都又震是時賈后亂朝故至禍敗之應也漢鄧太后攝

政時邵國地震李固以為地陰也法當安靜今乃越陰之職專

陽之政故應以政此同事也京房易傳曰小人剝廬厥妖山崩

茲謂陰乘陽弱勝彊又曰陰背陽則地裂父子分離夷羗叛去

元康五年五月丁丑地震 六月金城地震

六年正月丁丑地震

八年正月景辰地震

太安元年十二月地震時齊王問專政之應也

二年十二月景辰地震是時長沙王又專政之應也

孝懷帝永嘉三年十月荆襄二州地震時司馬越專政

四年四月兖州地震五月石勒寇汲郡執太守胡寵遂南濟沔

是其應也

愍帝建興二年四月甲辰地震

三年六月丁卯長安又震是時主幼權傾於下四方雲擾兵亂不息之應也

元帝太興元年四月西平地地震湧出水 十二月廬陵豫章武

昌西陵地震湧水出山崩于寶以為王敦陵上之應也

二年五月己丑祁山地震山崩殺人是時相國南陽王保在祁山稱晉王不終之象也

三年四月庚寅丹陽吳郡晉陵又地震

成帝咸和二年二月江陵地震 三月益州地震 四月己未

豫州地震是年蘇峻作亂

九年三月丁酉會稽地震

穆帝永和元年八月安東地震是時嗣王幼冲母后稱制政在

臣下所以連年地震

二年十二月地震

三年正月丙辰地震 九月又地震

四年十月己未地震

五年正月庚寅地震是時石季龍僭即皇帝位亦過其序也

九年八月丁酉京都地震有聲如雷

十年正月丁卯地震聲如雷雞雉皆鳴响呼后反

十一年四月乙酉地震 五月丁未地震

升平二年十一月辛酉地震

五年八月涼州地震

哀帝隆和元年四月甲戌地震是時政在將相人主南面而已

興寧元年四月甲戌揚州地震湖濱溢

二年三月庚寅江陵地震是時桓温專政

物異 地震

文獻通考卷三百一

七

崇禎三年重刊

海西公太和元年二月涼州地震水涌是海西將廢之應也

簡文帝咸安二年十月辛未安成地震是年帝崩

孝武帝寧康元年十月辛未地震

二年二月丁巳地震 七月甲午涼州地又震山崩是時嗣主

幼冲權在將相陰盛之應也

太元二年閏三月壬午地震 五月丁丑地震

十一年六月巳卯地震是後緣河諸將連歲兵役人勞之應也

十五年三月巳酉朔夜地震 八月京都地震 十二月巳未

地震

十七年六月癸卯地震 十二月巳未地又震是時羣小弄權

天下側目

十八年正月癸亥朔地震 二月乙未夜地震

安帝隆安四年四月乙未地震 九月癸丑地震是時幼主冲

昧政在臣下

義熙四年正月壬子夜地震震有聲 十月癸亥地震

五年正月戊戌夜潯陽地震震有聲如雷明年虜酋叛

八年自正月至四月南康廬陵地四震明年王旅西討荆益

十年三月戊寅地震

宋武帝永初元年秋七月巳巳地震

文帝元嘉十二年夏四月都下地震

十五年七月辛未地震

孝武大明二年四月辛丑地震

六年七月甲申地震有聲如雷兖州亦甚魯郡山搖者二

後廢帝元徽五年五月地震

齊東昏侯永元元年七月地震至來歲晝夜不止小屋多壞

梁武帝天監五年十二月京師地震京房易飛侯曰地動以下

十一月者其邑飢亡時交州刺史李凱反明年霜歲儉人飢

普通二年正月建康地震時義州刺史文僧朗以州叛

六年十二月地震京房易飛候曰地冬動有音以十二月者其

邑有行兵是時帝令豫章王琮將兵北伐

中大通五年正月建康地震京房易飛候曰地以春動歲不昌

是歲大水百姓飢饉

大同三年十一月建康地震京房易飛候曰地震以十一月邑

有大喪及飢亡明年霜為災百姓飢

三年十月建康地震是歲會稽山賊起

七年二月建康地震是歲交州人李賁舉兵逐刺史蕭詒

元年閏正月地震李賁自稱皇帝署置百官

太清三年四月建康地震再震時侯景自為大丞相錄尚書事帝

所須不給是月以憂憤崩

陳永定二年五月建康地震時王琳立蕭莊於郢州

大建四年十一月地震陳實應及關中

禎明元年正月地震施文慶沈客卿專恣之應也

後齊河清二年并州地震和士開專恣之應也

後周建德二年涼州地震城郭多壞時羗夷叛

隋文帝開皇十四年五月京師地震京房易飛候曰地動以夏

五月人流亡是歲關中飢百姓就糧於關東

二十年十一月戊子立晉王廣為皇太子是日天下地震

仁壽二年四月歧雍地震易飛候曰震以四月五穀不熟人大

飢

唐武德二年十月乙未京師地震陰盛而反常則地震故其占

為臣強為后妃專恣為美犯華為小人道長為寇至為叛臣

七年七月雋州地震山摧壅江水噴流

貞觀七年十月乙丑京師地震

十二年正月壬寅松叢二州地震壞廬舍

二十年九月辛亥靈州地震有聲如雷

二十三年八月癸酉朔河東地震晉州尤甚壓殺五十餘人乙

亥又震 十一月乙丑又震

永徽元年四月己巳朔晉州地震己卯又震 六月庚辰又震

有聲如雷

二年十月又震 十一月戊寅定襄地震帝始封晉王初卽位

而地屢震天下將出帝而動搖象也

儀鳳二年正月庚辰京師地震

永淳元年十月甲子京師地震

垂拱三年七月乙亥京師地震

四年七月戊午又震 八月戊戌神都地震

延載元年四月壬戌常州地震

大足元年七月乙亥揚楚常潤蘇五州地震

二年八月辛亥劍南六州地震

景龍四年五月丁丑剡縣地震

景雲三年正月甲戌并汾絳三州地震壞廬舍壓死百餘人

開元二十二年二月壬寅秦州地震西北隱隱有聲拆而復合

經時不止壞廬舍殆盡壓死四千餘人

二十六年三月癸巳京師地震

至德元載十一月辛亥朔河西地震裂有聲陷廬舍張掖酒泉

尤甚至二載三月癸亥乃止

大曆二年十一月壬申京師地震自東北來有聲如雷者二

三年五月丙戌又震

十二年恒定二州地大震三日乃止東鹿寧晉地裂數丈沙石

隨水流出平地壞廬舍壓死數百人

建中元年四月巳亥京師地震

三年六月甲子又震

四年四月甲子又震 五月辛丑又震

貞元二年五月巳酉又震

三年十一月丁丑在京師東都蒲陝地震

四年正月庚戌朔在京師地震辛亥壬子丁卯戊辰庚午癸酉

甲戌乙亥皆震金房二州尤甚江溢山裂屋宇多壞人皆露處

二月壬午京師又震甲申乙酉丙申三月甲寅巳未庚午辛未

五月丙寅丁卯皆震

八年甲午又震有聲如雷甲辰又震

九年四月辛酉又震有聲如雷河中關輔尤甚壞城壁廬舍地

裂水涌

十年四月戊申京師地震癸丑又震侍中渾瑊第有樹湧出樹
枝皆載蚯蚓

十三年七月乙未又震

元和七年八月京師地震草樹皆搖

九年三月丙辰雋州地震晝夜八十壓死百餘人地陷者三
里

里

十年十月京師地震

十一年二月丁丑又震

十五年正月穆宗卽位戊辰始朝羣臣於宣政殿是夜地震

太和二年正月壬申地震

七年六月甲戌又震

九年三月乙卯京師地震屋瓦皆墜戶牖間有聲

開成元年二月乙亥又震

二年十一月乙丑夜又震

四年十一月甲戌又震

會昌二年正月癸亥宋亳二州地震 十二月癸未京師地震

大中三年十月辛巳上都及振武河西天德靈武鹽夏等州地

震壞廬舍壓死數十人

十二年八月丁巳太原地震

咸通元年五月上都地震

六年十二月晉絳二州地震壞廬舍地裂泉湧泥出青色

八年正月丁未河中晉絳三州地大震壞廬舍人有死者十三年四月庚子朔浙東西地震

乾符三年六月乙丑雒州地震至七月辛巳止州城廬舍盡壞

地陷水湧傷死甚衆是月濮州地震 十二月京師地震有聲

四年六月庚寅涪州地震

六年二月京師地震有聲如雷藍田山裂水湧

中和三年秋晉州地震有聲如雷

光啓二年春成都地震月中十數占曰兵飢 十二月魏州地

震

乾寧二年三月庚午河東地震

宋乾德三年京師地震

至道二年十月潼關西至靈夏環慶等州地震城郭廬舍多壞

占云兵飢是時西戎寇靈州明年遣將率兵援糧以救之關西

民有飢殍者

咸平二年九月常州地震壞鼓角樓羅移軍民廬舍甚衆

四年九月慶州地震者再

六年正月益州地震

景德元年正月丙申夜京師地震癸卯夜復震丁未夜又震屋

宇皆動有聲移時方止癸丑冀州地震占主土工興有急令兵

勿畏 地震 崇禎四年重刊

華興是年契丹犯塞 二月益黎雅州地震 三月邢州地震
不止 四月己卯夜瀛州地震 五月邢州地復震不止 十
一月壬子日南至京師地震癸丑石州地震
四年七月丙戌益州地震己丑渭州瓦亭寨地震者四
大中祥符二年三月代州地震
四年六月昌眉州並地震 七月真定府震壞城壘
天聖五年三月戊辰泰州地震
七年十月丙午京師地震
景祐四年十一月甲申忻代并三州地震壞廬舍覆壓吏民忻
州死者萬九千七百四十二人傷者五千六百五十五人畜死
者五萬餘代州死者七百五十九人并州千八百九十人
寶元元年正月庚申并忻代州地震 十一月忻州地震 十
二月甲子京師地震

慶曆二年五月乙亥忻州地大震說者曰地道青靜今數震搖
兵興民勞之象也 五月庚午忻州地震西北有聲如雷
五年七月丁酉廣州地震己卯京南並州並地震
六年二月戊寅青州地震 三月庚寅登州地震岬嶼山摧自
是不已每震即海底有聲如雷 五月甲申京師地震
七年十月乙丑河陽許州地震
二年十一月丁酉夜秀州地震有聲自西北起如雷
嘉祐二年雄霸等州地震
五年五月己丑京師地震
治平四年秋漳泉建州邵武興化軍等處皆地震潮州尤甚地
裂泉湧厭覆州郭及兩縣屋宇土民軍兵死者甚衆 八月己
巳京師地震

熙寧元年七月甲申地震乙酉辛卯再震 八月壬寅甲辰又

震是月鄆州須城東阿二縣地震終日滄州清池莫州亦震壞
官私廬舍城壁是時河北復大震或數刻不止有聲如雷樓櫓
民居多摧覆壓死者甚衆 九月戊子莫州地震有聲如雷
十一月乙未京師及莫州地震 十二月癸卯瀛州地震大震丁
巳冀州地震辛酉滄州地震涌出沙泥船板胡桃螺蚌甲之屬
十二月潮州地震再震是歲數路地震有一日十數震有踰半年
震不止者

元豐八年五月京師地震

元祐二年二月辛亥代州地震有聲

四年春陝西河北震

七年九月巳酉蘭州鎮戎軍永興軍言地震 十月庚戌朔環

州地震再震

紹聖元年十一月丙寅太原府地震

二年十月十一月河南府地震且歲蘇州自夏迄秋地震

三年三月戊戌夜劍南東川地震 九月巳酉滁州沂州地震

四年六月巳酉太原府地震有聲

元符元年七月壬申夜雲霧蔽天地地震良久

二年正月壬申恩州地震 八月甲戌太原府地震

三年五月巳巳太原府又震

建中靖國元年十二月辛亥太原府潞晉隰代石嵐等州皆嵐

威勝保化寧化軍地震彌旬晝夜不止壞城壁屋宇人畜多死

宣和四年北方用兵雄州地震

六年正月京師連日再地震宮殿門皆動有聲

建炎二年正月戊戌長安地震大震金虜將婁宿圍城彌旬無外

援虜兵乘地震而入城遂陷

紹興三年八月甲申地震平江府湖州尤甚甲辰詔罪是歲逆

六年六月乙巳夜地震有聲自西北如雷餘杭縣為甚詔罪已

是冬偽齊劉麟猊犯順寇濠壽州後四年虜酋兀朮入寇求直言

二十四年正月戊寅地震

二十五年三月壬申地震

二十八年八月甲寅地夜震

三十一年三月壬辰又震

三十二年七月戊申又震

六月甲寅又震是歲宰臣湯思退
擢徽海泗唐鄧之戊虜乘邊虛入寇後思退貶死此臣專必震
又兵役人勞之應也

乾道二年九月丙午地震自西北方是月台州有海寇

四年十二月壬子石鼻地震三日有聲如雷屋瓦皆落時郡

有綿州冤獄云

淳熙元年十二月戊辰地震自東北方後湖南江西茶寇路

九年十二月壬寅地夜震

十年十二月丙寅又震

十二年五月庚寅又震

慶元六年十一月甲子地震東北方

嘉定六年四月行都地震 六月丙子嚴州淳安縣地震

十年二月庚申地震自東南越月虜犯光州

十四年正月乙未地夜震大雷是春金虜入寇斷黃州失守

文獻通考卷之三百一

地震

二十五

十四年五月丁未... 十五年二月庚申... 十六年六月辛酉... 十七年正月庚寅... 十八年十二月丙寅... 十九年十二月丙寅... 二十年十二月丙寅... 二十一年十二月丙寅... 二十二年十二月丙寅... 二十三年十二月丙寅... 二十四年十二月丙寅... 二十五年十二月丙寅... 二十六年十二月丙寅... 二十七年十二月丙寅... 二十八年十二月丙寅... 二十九年十二月丙寅... 三十年十二月丙寅... 三十一年十二月丙寅... 三十二年十二月丙寅... 三十三年十二月丙寅... 三十四年十二月丙寅... 三十五年十二月丙寅... 三十六年十二月丙寅... 三十七年十二月丙寅... 三十八年十二月丙寅... 三十九年十二月丙寅... 四十年十二月丙寅... 四十一年十二月丙寅... 四十二年十二月丙寅... 四十三年十二月丙寅... 四十四年十二月丙寅... 四十五年十二月丙寅... 四十六年十二月丙寅... 四十七年十二月丙寅... 四十八年十二月丙寅... 四十九年十二月丙寅... 五十年十二月丙寅... 五十一年十二月丙寅... 五十二年十二月丙寅... 五十三年十二月丙寅... 五十四年十二月丙寅... 五十五年十二月丙寅... 五十六年十二月丙寅... 五十七年十二月丙寅... 五十八年十二月丙寅... 五十九年十二月丙寅... 六十年十二月丙寅... 六十一年十二月丙寅... 六十二年十二月丙寅... 六十三年十二月丙寅... 六十四年十二月丙寅... 六十五年十二月丙寅... 六十六年十二月丙寅... 六十七年十二月丙寅... 六十八年十二月丙寅... 六十九年十二月丙寅... 七十年十二月丙寅... 七十一年十二月丙寅... 七十二年十二月丙寅... 七十三年十二月丙寅... 七十四年十二月丙寅... 七十五年十二月丙寅... 七十六年十二月丙寅... 七十七年十二月丙寅... 七十八年十二月丙寅... 七十九年十二月丙寅... 八十年十二月丙寅... 八十一年十二月丙寅... 八十二年十二月丙寅... 八十三年十二月丙寅... 八十四年十二月丙寅... 八十五年十二月丙寅... 八十六年十二月丙寅... 八十七年十二月丙寅... 八十八年十二月丙寅... 八十九年十二月丙寅... 九十年十二月丙寅... 九十一年十二月丙寅... 九十二年十二月丙寅... 九十三年十二月丙寅... 九十四年十二月丙寅... 九十五年十二月丙寅... 九十六年十二月丙寅... 九十七年十二月丙寅... 九十八年十二月丙寅... 九十九年十二月丙寅... 一百年十二月丙寅...

文獻通考卷之二百二

宋鄱陽一馬 端臨 貴與 著
明蕪陽 馮 天駟 應房 校刊

山崩 地陷 地移 地長 川竭

春秋釐公十四年秋八月辛卯沙麓崩穀梁傳曰林屬於山曰麓師古曰屬聯也音之欲反沙其名也劉向以為臣下背叛散落不事上之象也先是齊桓行伯道會諸侯師古曰伯讀日事周室管仲既死桓德日衰天戒若曰伯道將廢諸侯散落政治迨大夫陪臣執命臣下不事上矣桓公不寤天子蔽晦師古曰被掩也及齊桓死天下散而從楚王札子殺二大夫師古曰二大夫召伯毛伯也晉敗天子之師師古曰謂敗之於晉戎也巳解於上也莫能征討從是陵遲公羊以為沙麓河上邑也董仲舒說略同一曰河大川象齊大國桓德衰伯道將移於晉文故河為徒也左氏以為沙麓晉地沙山名也地震而

文獻通考卷之二百二

麓崩不書震舉重者也伯陽甫所謂國必依山山川山崩川竭亡

之徵也不過十年數之紀也至二十四年晉懷公殺於高粱師

日懷公誦子圍惠公之子也文京房易傳曰小人剝廬師古曰

公入圍而使殺之高梁晉地之辭厥妖山崩茲謂陰乘陽弱勝強

成公五年夏梁山崩穀梁傳曰靡河三日不流師古曰靡晉君

帥羣臣而哭之廼流用師古曰從伯宗劉向以為山陽君也水陰

民也天戒若曰君道崩壞下亂百姓將失其所矣哭然後流喪

亡象也梁山在晉地自晉始而及天下也後晉暴三卿厲公以

弑董仲舒說略同劉歆以為梁山晉望也崩弛崩也古者三代

命祀祭不越望吉凶禍福不是過也國主山川山崩川竭亡之

徵也美惡周必復是歲之在鶉火至十七年復在鶉火藥書中

行偃弑厲公而立悼公

威烈王十三年晉河岸崩壅壅門至于底柱

漢高后二年正月武都山崩殺七百六十人地震至八月廼止

文帝二年四月齊楚地山二十九所同日俱大發水潰出劉向

以為近水沴土也天戒若曰勿盛齊楚之君今失制度將為亂

後十六年帝庶兄齊悼惠王之孫文王則薨無子帝分齊地立

悼惠王庶子六人皆為王師古曰謂齊孝王將閭齊北王志菑

王薛賈誼鼂錯諫以為違古制恐為亂至景帝三年齊楚七國

起兵百餘萬漢皆破之春秋四國同日災師古曰宋漢七國同

日衆山潰咸被其害不畏天威之明效也

成帝河平三年二月丙戌據為柏江山崩增江山崩皆靡江水

師古曰靡讀曰江水逆流壞城殺十三人地震積二十一日百

二十四動

元延三年正月丙寅蜀郡岷山崩靡江江水逆流三日廼通紉

向以為周時岐山崩三川竭而幽王亡岐山者周所與也漢家

之徵也

向以為周時岐山崩三川竭而幽王亡岐山者周所與也漢家

之徵也

之徵也

之徵也

之徵也

之徵也

本起於蜀漢今所起之地山崩川竭星孛又及攝提大角從參
至辰如淳曰參星尾長八攝提始必亡矣其後三世亡嗣王莽
篡位

王莽天鳳三年長平館西岸崩邕涇水不流毀而北行

後漢和帝永元元年七月會稽南山崩會稽南方大山也京
房易傳曰山崩陰乘陽弱勝強也劉向以為山陽君也水陰民
也君道崩壞百姓失所也劉歆以為崩猶弛也是時竇太后攝
政兄竇憲專權

七年七月趙國易陽地裂京房易傳曰地裂者臣下分離不肯
相從也是時南單于衆乖離漢軍追討

十二年夏四月戊辰幽郡秭歸山高四百丈崩填谿殺百餘人
明年冬至蠻夷反遣使募荆州吏民萬餘人擊之

元興元年五月癸酉右扶風雍地裂是後西羌大寇凉州

湯帝延平元年五月壬辰河東恒山崩是時鄧太后專政秋八
月湯帝崩

安帝永初元年六月丁巳河東楊地陷東西百四十步南北百
二十步深三丈五尺

六年六月壬辰豫章員谿原山崩各六十三所

元初元年三月巳卯日南地圯長百八十二里其後三年正月
蒼梧鬱林合浦盜賊羣起劫略民吏

二年六月河南雒陽新城地裂

延光二年七月丹陽山崩四十七所

三年六月庚午巴郡閬中山崩

四年十月丙午蜀郡越雋山崩殺四百餘人丙午天子會日也
是時閻太后攝政其十一月中黃門孫程等殺江京立順帝誅
閻后兄弟明年閻后崩

順帝陽嘉二年六月丁丑雒陽宣德亭地圻長八十五丈近郊地時李固對策以為陰類專恣將有分離之象所以附郊城者是上帝示象以戒陛下也是時宋娥及中常侍各用權分爭後中常侍張遞專政與大將軍商爭權為商作飛語欲陷之桓帝建和三年四月郡國六地裂水湧出井溢壞寺屋殺人時梁太后攝政兄冀枉殺李固杜喬三年郡國五山崩

和平元年七月廣漢梓潼山崩

永興二年六月東海胸山崩冬十二月泰山琅邪盜賊羣起

永壽二年七月河東地裂時梁皇后兄冀秉政桓帝欲自由內患之

延熹元年七月乙巳左馮翊雲陽地裂

三年五月戊申漢中山崩是時上寵恣中常侍單超等

四年六月庚子泰山博尤來山判解

八年六月丙辰緱氏地裂

永康元年五月丙午雒陽高平永壽亭上黨汝_反氏地各裂是時朝臣患中常侍王甫等專恣冬桓帝崩明年竇氏等欲誅常侍黃門不果更為所殺

靈帝建寧四年五月河東地裂十二處裂各長十里百七十步廣者三十餘步深不見底

魏元帝咸熙二年二月太行山崩此魏亡之徵也其冬晉有天

下
吳孫權赤烏十三年八月丹陽句容及故鄣寧國諸山崩鴻水溢劉歆以為國王山川山崩川竭亡之徵也吳雖稱帝其實列國災發丹陽大意見之後二年而權薨又二十六年而吳亡

晉武帝泰始三年三月廿六日大石山崩

四年七月泰山崩墜三里京房易傳曰自上下者為崩厥應泰山之石顛而下聖人受命人君虜及帝晏駕而祿去王室惠帝軟弱懷愍二帝俱辱虜庭淪胥於北元帝中興於南此其應也

太康五年景午宣帝廟地陷

六年十月南安新興山崩湧水出

七年二月朱提^{殊匙}之大瀘山崩震壞郡舍陰平之仇池崖墮

八年七月大雨殿前地陷方五尺深數丈中有破船

惠帝元康四年蜀郡山崩殺人 五月壬子壽春山崩洪水出

城壞地陷方三十丈殺人 六月壽春大雷山崩地坼人家陷

死上庸郡亦如之 八月居庸地裂廣三十六丈長八十四丈

水出大飢上庸四處山崩地隊廣三十丈長一百三十丈水出

殺人皆賈后亂朝之應也

太安元年四月西壩崩

懷帝永嘉元年三月洛陽東北步廣里地陷

二年八月乙亥鄆城：无故自壞七十餘丈司馬越惡之遷于

漢陽以見珍之異也越卒以陵上受禍

二年七月戊辰當陽地裂三所廣三丈長三百餘步京房易傳

曰地坼裂者臣下分離不肯相從也其後司馬越苟晞交惡四

方牧伯莫不離散王室遂亡

三年十月宜都夷道山崩

四年四月湘東鄴黑石山崩

元帝大吳元年二月廬陵豫章武昌西陽地震山崩

二年五月祈山地震山崩殺人

三年南山郡山崩出雄黃數千斤時王敦陵傲帝優容之不令

養禍萌也

四年八月常山崩水出滹沱上音乎及下音陀盈溢大木傾拔

咸帝咸和四年十月柴桑廬山西北崖崩十二月劉胤為郭默所殺

穆帝永和七年九月峻平崇陽二陵廟

十二年十一月遣散騎常侍車灌修峻平陵開堦道崩壓殺教士人

升平五年二月南掖門馬足陷地得鍾一有文四字

哀帝隆和元年四月丁丑浩亶上音合反山崩張天錫亡徵也

安帝義熙八年三月壬寅山陰地陷方四丈有聲如雷

十年五月戊寅西明門地穿湧水出毀門扇及陷汝水沙土也

十一年五月霍山崩出銅鍾六枚

十三年七月漢中城固縣水涯有聲若雷既而岸崩出銅鍾十有二枚

惠帝元康九年六月夜暴雨賈謐齋屋柱陷入地壓謐牀帳此木沙土失其性不能載也明年謐誅焉

光熙元年五月范陽國地燃可以爨此火沙土也是時禮樂征伐自諸侯出

梁武帝普通二年始平郡石鼓村地自開成井方六丈六寸深三十二丈

後魏孝靜帝武定二年十一月西河地陷有火出京房易妖占

曰地自陷其君亡祖暉曰火陽精也地陰主也地燃越陰之道行陽之政臣下專恣終以自害時齊神武作宰侯景專擅河南

神武崩景作亂

後周建德二年涼州地震裂出泉

隋仁壽三年梁州就谷山崩洪範五行傳曰崩散落皆叛不事上之類也梁州為漢地明年漢王諒反

大業七年砥柱山崩壅河逆流數十里時帝與遼東之役四海
怨叛卒以滅亡

唐貞觀八年七月隴右山摧山者高峻自上而墮之象也

垂拱二年九月己巳雍州新豐縣露臺鄉大風雨震電有山湧
出高二十丈有池周三百畝池中有龍鳳之形禾麥之異武后
以為休應名曰慶山荊州人俞文俊上言天氣不和而寒暑隔
人氣不和而贅疣生地氣不和而堆阜出今陛下以女主居陽
位反易剛柔故地氣隔塞山變為災陛下以為慶山臣以為非
慶也宜側身脩德以答天譴不然恐災禍至后怒流于嶺南
永昌中華州赤水南岸大山晝日忽風昏有聲隱隱如雷頃之
漸移東數百步壅赤水壓張村民三十餘家高二百餘丈水深
三十丈坡上草木宛然金勝曰山徙者人君不用道祿去公室
賞罰不由君侯人執政政在女主不出五年有走王

開元十七年四月乙亥大風震電藍田山摧裂百餘步畿內山
也國主山川山摧川竭亡之證也占曰人君德消政易則然
天寶十一載六月魏州閭鄉黃河中女媧墓因大雨晦冥失所
在至乾元二年六月乙未瀕河人聞有風雷曉見其墓湧出下
有巨石上有雙柳各長丈餘時號風陵堆占曰塚墓自移天下
破

大曆六年四月戊寅藍田西原地陷

九年十一月戊戌同州夏陽有山徙于河上聲如雷

十三年郴州黃萃山摧壓死者數百人

建中初魏州魏縣西四十里地數畝忽長崇數尺

二年霍山裂

元和八年五月丁丑大隗山摧

十五年七月丁未苑中土山摧壓死二十人

光啓三年四月維州山崩累日不止塵盆巨天壅江水逆流占
曰國破

後唐長興三年七月夔州奏赤甲山崩

宋雍熙三年階州福清縣青龍峽山圯壅白江水逆流高十丈
許壞民田數百里

淳化三年五月雅州名山縣大風雨登遼山圯壅江水逆流入
民田壞稼

咸平元年七月庚午寧化軍汾水漲壞北水門山石摧圯軍士
有壓死者

二年七月庚寅陝州靈寶縣暴雨崖圯壓居民死者二十二戶
三年三月辛丑夜秦州大澤縣三陽寨大雨崖摧壓死者六十
二人

四年正月秦州成紀縣山摧壓死六十餘人

景德四年七月秦州成紀縣崖圯殺居民

天禧五年五月襄州鳳林鎮道側湧起高三尺許長三丈闊八
尺知州夏竦以聞

熙寧元年潭州益陽縣雷震山裂出米
二年十月庚戌南郊東壙門內地陷有天寶十二年古墓

五年九月丙寅華州少華山前阜頭峯越八盤嶺及谷摧陷於
石子坡東西五里南北十里潰散填裂湧起堆阜各高數丈長
若隄岸至陷居民六社凡數百戶林木廬舍亦無存者並山之
民言數年以來峯上常有聲是夜初昏略無風雨山上忽霧起
有聲漸大地遂震動不及食頃而山摧

元豐八年二月甲戌賓州嶺方縣地陷

元祐元年十二月華州鄭縣界小敷谷山頽傷居民

宣和七年七月己亥熙河路地震有裂數十丈者蘭州尤甚陷

數百家倉庫俱沒

紹興十二年十二月陝西不雨五穀焦枯涇渭灞滻皆竭伯陽甫曰國必依山川山摧川竭亡之證也時秦民以飢離散壯者為北人所買郡邑遂空劉向以為陽失在陰者謂火氣來煎枯水故川竭山川連體下竭上必摧占曰君德消政易則然京房易傳曰君臣相背厥異名水絕

紹熙四年秋南岳祝融峯有山自摧劍門關山摧

五年十二月臨安府南高峯有山自摧

慶元二年六月辛未台州黃巖縣大雨水有山自徙五十里餘聲如雷草木塚墓皆如初而故址為淵澗時臨海縣清潭山亦自移唐志載金滕曰山徙者君不用道祿去公室賞罰不由君佞人執政也此韓侂胄擅朝之應

嘉泰二年七月丁未閩建安縣山摧民廬之壓者六十餘家

嘉定六年六月丙子浙西淳安縣長樂鄉山摧水湧近水沙土也京房易傳曰小人剝廬厥妖山摧劉向以為山陽君也水陰民也君道壞下亂百姓將失其所又曰臣下叛散落不事上之象也
八年五月行都久不雨百川皆竭淮甸亦如之

地生異物

魏公孫淵時襄平北市生肉長圍各數尺有頭目口喙無手足

詳見赤祥門

晉太興二年廬江潯縣何旭家忽聞地中有犬子聲掘之得一母犬與二子一雄一雌詳見犬大禍門又孫無終家地坼得狗同上

犬禍門

咸康初地生毛

太元二年地生毛

物異

文獻通考卷三百二

九

崇禎二年重刊

十四年京都地生毛

十七年地生毛

隆安四年地生毛或白或黑

元興三年五月江陵地生毛

義熙三年十三年地並生毛

永嘉元年洛陽地陷有蒼白鷲出詳見羽

元康五年呂縣有流血百餘步詳見赤

齊高帝建元元年荊州天井湖出綿人用與常綿不異

梁大同二年地生白毛長二尺詳見白

齊河清元年九月滄州及長城下地多生毛或白或黑長四五

寸唐聖拱元年九月淮南地生毛或白或蒼長者尺餘遍居人牀

下揚州尤甚大如馬鬣焚之臭如燎毛占曰兵起民不安

三年魏州地出鐵如船數十丈 武威郡石化為麵貧乏者取

以給食

天寶十三年汝州葉縣南有土硯闕中有血出數日不止

建中四年四月京師地生毛或黃或白有長尺餘者

貞元四年四月淮南及河南地生毛

太和二年六月蘇州地生毛

四年石生麵貧者食之

宋熙寧元年潭州益陽縣雷震山裂出米可十萬斛炊之成飯

而腥不可食至京師信米也但色黑如炭

八年杭州鹽官縣自三月地產物如珠可食詳見報

元豐三年青州臨朐益都石化為麵民取食之

黃青黃祥

漢昭帝元鳳元年九月燕有黃鼠銜其尾舞王宮端門中見開

妖門

成帝建始元年四月辛丑夜西北有火光壬寅晨大風從西北起雲氣赤黃四塞天下終日夜著地者黃土塵也是歲帝元舅大司馬大將軍王鳳始用事又封鳳母弟崇庶弟譚等五人皆為列侯哀帝即位封外屬丁氏傅氏周氏鄭氏凡六人為列侯楊宣對曰五侯封日天氣赤黃丁傅復然此殆爵土過制傷亂土氣之祥也京房易傳曰易稱觀其生言大臣之義當觀賢人知其性行推而貢也否則為聞善不與茲謂不知厥異黃厥咎孽厥災不嗣黃者日上黃光不散如火然有黃濁氣四塞天下蔽賢絕道故災異至絕世也

王莽天鳳元年六月黃霧四塞

後漢昭烈章武二年東伐二月自秭歸進屯夷陵六月秭歸有黃氣見長十餘里廣數十丈後踰旬為陸遜所破近黃祥也

晉惠帝元康四年正月大霧帝時昏眊政非已出故有大霧之

妖

元帝大興四年八月黃霧四塞埃氛蔽天

永昌元年十月京師大霧黑氣貫天日無光

明帝太寧元年正月癸巳黃霧四塞二月又黃霧四塞是時王敦擅權謀逆愈甚

穆帝永和七年三月涼州大風拔木黃霧下塵是時張重華納譖出謝艾為酒泉太守而所任非其人至九年死嗣子見殺是其應也京房易傳曰聞善不與茲謂有知厥異黃厥咎孽厥災不嗣黃者有黃濁氣四塞天下蔽賢絕道故災至絕世也

孝武太元八年二月癸未黃霧四塞是時道士專政親近佞人朝綱方替

安帝元興元年十月景申朔內霧昏濁不雨是時桓玄謀逆之應

物

書

文獻通考卷三十三

七

義熙五年十一月大霧

十年十一月又大霧八時帝室衰微臣下權盛兵及土地略非君有此其應也

宋文帝元嘉二十九年十二月戊辰黃霧四塞次年春元凶劾

齊武帝永明六年十一月丙戌土氣竟天如煙入人眼鼻三日乃止

八年六月丙申大雷雨有黃光竟天照地狀如金

二年天雨灰其色黃近黃祥也京房易飛候曰聞善不與茲謂有知厥黃厥咎孽厥災不嗣蔽賢絕道之咎也時帝自以為

聰明博達惡人勝已又篤信佛法捨身為奴絕道蔽賢之罰也大寶元年正月天雨黃沙三年簡文帝夢九土而吞之帝尋為

侯景所廢以土囊壓之而斃諸子遇害不嗣之應也

陳後主時夢黃衣人圍城後主惡之遶城橘樹伐去之隋高祖受禪之後上下通服黃衣未幾隋師攻圍之應也

後周大象二年天雨細黃土移時乃息與大同元年同占時宣帝昏狂滋甚其年崩靜帝立禪于隋

隋開皇二年京師雨土時帝懲周室諸侯微弱至亡乃分封諸子並為行臺專制方面失土之故有土氣之祥其後諸王各謀

為逆亂京房易飛候曰天雨土百姓勞苦而無功時管都邑起仁壽宮頽山堙谷死者大半

唐貞觀七年三月丁卯雨土

二十年閏三月己酉有黃雲闊一丈東西際天黃為土功

永徽三年三月辛巳雨土

景龍元年六月庚午陝州雨土 十二月丁丑雨土

天寶十三載二月丁丑雨黃土

大曆七年十二月丙寅雨土

貞元二年四月甲戌雨土

八年二月庚子雨土

大和八年十月甲子土霧晝昏至于十一月癸丑

開成元年七月乙亥雨土

咸通十四年三月癸巳雨黃土

中和二年五月辛酉大風雨土

天復三年二月雨土天地昏霾

天祐元年閏四月甲辰大風雨土

宋淳化三年正月乙卯京師雨土占曰小人叛自後李順盜據

益州

治平元年三月辛酉十二月乙巳雨土

二年三月壬戌雨土 十二月己亥雨黃土

熙寧五年十二月癸未七年三月戊午並雨黃土

八年五月丁丑雨黃土兼細毛

元豐二年十一月丁亥五年二月乙巳六年四月辛未雨土

元祐七年正月戊午天雨塵土主民勞苦

宣和元年三月庚午雨土著衣主不肖者食祿

紹興元年十二月庚辰夜有黃白氣

十二年馮康國言三月庚申涇州雨黃沙語在金傳及夜妖

十八年十一月壬辰上御麗正門肆赦天有雲赤黃近黃祥也

太史附秦檜言奏以為瑞

乾道四年三月己丑雨土若麈

淳熙四年三月戊戌五年二月甲申四月丁丑六年十二月乙

丑十一年正月辛卯甲寅十二年正月壬寅皆雨土

十五年九月庚子南方有赤黃氣

紹熙四年十月甲寅五年四月癸卯皆雨土 十月乙未天有

赤黃色占曰是為天變色先赤後黃近黃祥也 十一月辛亥

雨土

文獻通考卷之三百三

宋鄱陽 馮 天馭 應房 校刊
馬 端臨 貴與 著

物異考 恒雨

春秋魯隱公九年三月癸酉大雨震電庚辰大雨雪師古曰雨雪雨音千

於歷數春秋後一日始震電之時也當雨而不當大雨大雨恒

雨之罰也於始震電八月之間而大雨雪恒寒之罰也劉向以

為周三月今正月也當雨水雪雜雨雪電未可以發也既已發

也則重不當復降皆失節故謂之異於易雷以二月出其卦曰

豫師古曰坤下震上也言萬物隨雷出地皆逸豫也以八月入其卦曰歸

妹師古曰兌下震上也言雷復歸入地則孕毓根核保藏蟄蟲師古曰毓字與育同

核亦莖字也草 避盛陰之害出地則養長華實發揚隱伏宣盛

根曰莖音該 避盛陰之害出地則養長華實發揚隱伏宣盛

物異

文獻通考卷之三百三

陽之德入能除害出能黜利人君之象也是時隱以弟桓幼代

而攝立公子翬見隱居位已久勸之遂立師古曰公子翬魯大夫羽父也勸殺桓公

殺隱天見其將然故正月大雨水而雷電是陽不閉陰出涉危

難而害萬物天戒若曰為君失時賊弟佞臣將作亂矣後八日

大雨雪陰見間隙而勝陽篡殺禍將成也公不寤後二年而殺

漢昭帝元始元年七月大水雨自七月至十月

成帝建始三年秋大雨三十餘日

四年九月大雨十餘日

王莽地皇元年九月大雨六十餘日

光武建武六年九月大雨連月首稼更生鼠巢樹上

十七年洛陽暴雨壞民廬舍禾稼壓斃人

和帝永元十年十三年十四年十五年皆淫雨傷稼

安帝元年四月秋郡國十淫雨傷稼方儲對策曰雨不時節妄賞賜也

永寧元年郡國三十三淫雨傷稼

建光元年京都及郡國二十九淫雨傷稼是時羌反久未平百姓屯戍不解愁苦

延光元年郡國二十七淫雨傷稼按本傳陳忠奏以為王侯三柄在臣妾

二年郡國五連雨傷稼

順帝永建四年司隸荆豫兗冀部淫雨傷稼

六年冀州淫雨傷稼

桓帝延熹二年夏霖雨五十餘日是時大將軍梁冀秉政擅殺其年冀伏殺

靈帝建寧元年夏霖雨六十餘日時大將軍竇武謀殺中官事

泄為曹節等所害熹平元年夏霖雨七十餘日時宦官曹節等

說殺勃海王悝

中平六年夏霖雨八十餘日時靈帝初崩大將軍何進等謀誅廢宦官中常侍張讓等共殺進兵戰京都地死者數千

魏明帝太和元年秋數大雨多暴卒雷電非常至殺烏雀時帝居喪不哀出入弋獵无度奢後繁具故恒雨為罰

四年八月大雨霖三十餘日伊洛河漢皆溢

吳孫亮太平二年二月甲寅大雨震雷乙卯雪大寒按劉劭

以為此時當雨而不當大雨劉向以為既已雷電則雪不當

復降皆失時候之異與春秋魯隱公同其後亮卒見廢

晉武帝泰始元年六月大雨霖甲辰河洛伊沁水同時並溢流

四千九百餘家殺二百餘人沒秋稼千三百六十餘頃

太康五年七月任城梁國暴雨害豆麥九月南安郡霖雨暴雪

樹木摧折害秋稼是秋魏郡西平郡九縣淮南平原霖雨暴水

霜傷秋稼

惠帝永寧元年十月義陽南陽東海霖雨淹害秋麥

元帝太興三年春雨至于夏是時王敦執權不恭之罰也

永昌元年春四十餘日晝夜雷電震是時王敦興兵王師敗績

之應也

成帝咸和四年春雨五十餘日恒雷電是時雖斬蘇峻其餘黨

猶據守石頭至其滅後淫雨乃霽

咸康元年八月乙丑荆州之長沙攸醴陵武陵之龍陽三縣雨

水淫漂屋室殺人損秋稼是時帝幼權在於下

梁武帝天監七年七月雨至十月乃霽時頻年興師諸軍頗捷

而士卒疲弊百姓怨望陰氣畜積之應也

陳宣帝大建十二年八月大雨霖時始興王叔陵驕恣陰氣

強盛之應也明年帝崩後主立叔陵作亂討平之

東魏武定五年秋大雨七十餘日元瑾劉思逸謀殺齊文襄之應也

後齊武成清河三年六月庚子大雨晝夜不息至甲辰山東大水人多餓死是歲突厥寇并州陰戎作梗之應

天統三年十月積陰大雨胡太后淫亂所感

武平七年七月大霖雨水滂人戶流亡時駱提婆韓長鸞等用事小人專政

後周武帝建德三年七月霖雨三旬時衛刺王直潛謀逆亂屬帝幸雲陽宮以其徒襲肅章門尉暹運逆拒破之其日雨霽

唐武德六年秋關中久雨少陽曰暘少陰曰雨陽德衰則陰氣勝故常雨

貞觀十五年春霖雨

永徽六年八月京城大雨

顯慶元年八月霖雨更九旬乃止

開元二年五月壬子久雨崇京城門

十六年九月關中久雨害稼

天寶五載秋大雨

十二載八月久雨

十三載秋大霖雨害稼六旬不止九月閉坊市北門蓋并禁婦人入街市祭玄冥大社崇明德門壞京城垣屋殆盡人亦乏食

至德二載三月癸亥大雨至甲戌乃止

上元元年四月雨訖閏月乃止

二年秋霖雨連月渠竇生魚

永泰元年九月丙午大雨至于丙寅

大曆四年四月雨至于九月閉坊市北門置土臺臺上置壇立黃幡以祈晴

六年八月連雨害秋稼

貞元二年正月乙未大雨雪至于庚子平地數尺雪上黃黑如塵 五月乙巳雨至于丙申時大飢至是麥將登復大雨霖衆心恐懼

十年春雨閏四月間止不過一二日

十一年秋大雨

十九年八月己未大霖雨

元和四年四月冊皇太子寧以雨霑服罷十月冊擇日冊又以雨霑服罷近常雨也

六年七月霖雨害稼

十二年五月連雨 八月壬申雨至于九月戊子

十五年二月癸未大雨 八月夕雨閉坊市北門宋滄景等州

大雨自六月癸酉至于丁亥廬舍漂沒殆盡

寶曆元年六月雨至于八月

大和四年夏鄆曹濮等州雨壞城郭廬舍殆盡

五年正月庚子朔京城陰雪彌旬

開成五年七月霖雨堊文宗龍輜陷不能進

大中十年四月雨至于九月

咸通九年六月夕雨崇明德門

乾符五年秋大霖雨汾澮及河溢流害稼

廣明元年秋八月大霖雨

天復元年八月夕雨

後唐同光三年六月至九月大雨江河決壞民田

清泰元年九月連雨害稼

周廣順二年七年暴風雨京師水深二尺諸州皆奏大雨

宋乾德六年六月州府二十三大雨水江河泛溢壞民廬舍

開寶二年二月車駕駐潞州積雨累日未止 九月京師大雨
霖

五年五月京師大雨連旬不止諸州皆言大雨霖

八年五月京師大雨水

九年三月京師大雨水秋又霖雨

太平興國五年五月京師連旬雨不止

雍熙三年八月京師大霖雨

淳化三年九月京師霖雨

四年七月京師大雨十晝夜不止

五年秋開封府宋亳陳潁泗壽鄆州雨水害稼

至道元年四月甲辰京師大雨雷電道上水數尺

二年廣南諸州並大雨水

咸平四年六月京師大雨漂壞廬舍積潦浸路

天禧四年七月京師連雨彌月甲子夜大雨流潦泛溢民舍軍
營自是頻雨及冬方止

乾興元年二月蘇湖秀三州雨壞民田

天聖四年六月庚寅京師大雨震雷平地水數尺 九月壬申

京東江淮閩浙諸州雨水

七年自春涉夏雨不止

嘉祐元年五月丁未晝夜大雨乙亥雨壞太社太稷壇自五月

大雨不止水壞官私廬舍城中繫棧渡人

四年八月霖雨害稼

六年七月河北京西淮南江浙四路淫雨為災 閏八月京師

久雨

治平元年京師自夏歷秋久雨不止真宗及穆獻懿三后陵臺

為雨所摧

二年八月庚寅大雨地土湧水壞宮私廬舍漂殺人畜不可勝數是日御崇政殿宰執而下朝參者十數人而已詔開西華門以洩宮中積水水奔激東殿侍班屋皆摧沒人畜溺死官為堊祭其無主者千五百八十人

熙寧七年六月熙州大雨洮河溢陝州大雨漂溺陝平陸二縣九年七月太原府汾河夏秋霖雨水大漲

元祐二年七月丁卯以雨罷集英殿宴

四年夏秋霖雨河流泛漲

八年自四月常雨至八月晝夜霖霖畿內及諸路大水詔開京師宮觀五日所在令長吏祈禱宰臣呂大防等待罪

紹聖元年七月京畿久雨諸路水害稼

二年六月久雨九月以久雨罷秋宴

三年七月久雨哲宗大昇輿在道陷泥中

建中靖國元年二月久雨

崇寧元年七月久雨壞京城廬舍民多壓溺死

三年六月久雨

四年五月京師久雨又自七月至九月所在霖雨傷稼十月始霽

宣和元年五月大雨水驟高十餘丈

六年秋京畿常雨河北兩浙水災民多流移

靖康元年四月京師大雨天氣清寒又自五月甲申至六月暴雨傷麥夏行秋令

建炎二年春霪雨 十二月上至杭州久陰霖雨占日陰盛下有陰謀時苗勳為逆後五十日伏誅 五月霖雨夏寒

紹興元年行都雨壞城三百八十丈是歲婺州雨亦敗城郭

三年雨自正月元日至二月恤刑七月四川霖雨至于越

歲正月

上謂張浚久屯繁
調所致戒以撫民

四年六月霖雨害稼蘇湖二州為甚

乙未

九月久雨時逆象

連金虜入寇十月戊戌上親征而霽

五年三月霖雨傷蠶麥行都雨甚

庚子慮歲
已未發藥

九月雨至于明

年正月

賑都民
春再

七年十月上如建業久雨

八年三月積雨至于四月傷蠶麥害稼

二十一年夏襄陽府大雨十餘日

二十三年六月大雨壞軍壘民田

辛酉予
緝蜀賦

三十年五月辛卯大風雨詔在水傳

三十一年四月久雨傷蠶麥害稼

三十二年六月浙西大霖雨

隆興元年三月霖雨行都壞城郭三百二十餘丈

二年六月霖雨沉陰

七月浙西江東大雨霖傷稼

八月風

雨霖霖踰月

乾道二年正月淫雨至于四月夏寒江浙

國損稼蠶麥不登

三年八月霖雨妨穡江浙淮潤禾麻菽粟多腐

四年四月陰雨彌月

六年五月連雨六十餘日至十一月連雨辛巳郊開雲于園丘

百步外有靈雨

八年四月四川陰雨七十餘日 六月壬寅大雨徹晝夜至于

巳酉為災

九年閏正月靈雨

淳熙三年五月淮浙積雨損禾麥 八月浙東西江東連雨

癸未甲申行都大風雨 九月久雨妨穡

六年九月連雨已巳將郊而霖

勿異 直雨

文獻通考卷三百三

八

崇禎三年重刊

八年四月雨腐禾麥 五月久雨收首種

十一年四月淫雨

十二年五月六月皆霖雨

十五年五月荆淮郡國連雨

十六年五月浙西湖北福建淮東利西諸道大雨霖

紹興元年春久陰連雨至于三月

二年四月福建路霖雨至五月 七月利路久雨傷種麥 八

月行都久雨

三年五月江東湖北路連雨 七月淮西鎮江襄陽雨害禾麥

四年四月霖雨至于五月浙東西江東湖北淮西郡縣壞圩田

五年八月霖雨浙東西北皆害稼 九月雨至于十月江東福

建皆苦雨

慶元元年正月霖雨 二月又雨至三月害麥 五月霖雨

七月雨至八月

二年八月行都霖雨五十餘日

三年七月雨連月

五年五月行都雨壞城夜壓附城民廬多死者 六月浙東霖

雨至于八月

嘉泰二年六月福建路連雨至于七月

三年八月久雨

開禧元年七月利路霖雨敗稼 十月行都淫雨至明年春三

月

嘉定三年三月陰雨六十餘日 五月潦雨至于六月首種多

敗蠶麥不登

四年八月霖雨至于九月

物異 巨雨

文獻通考卷三百三

九

崇禎三年重刊

五年春淫雨至于三月傷蠶麥 十一月雨雪積陰至于明年
春二月淫雨 五月霖雨陰沉 浙東西六月雨至于七月
七年九月陰雨至于十月害禾麥
九年四月霖雨 六月大雨霖二十餘日浙東西郡縣為災
十年三月連雨至于四月 十月霖雨敗穡
十一年六月浙西大霖雨
十二年六月霖雨彌月
十五年七月浙東西霖雨為災
十六年五月霖雨浙西湖北江東淮東尤甚 八月大風雨敗
稼
十七年八月霖雨
甘露
漢宣帝甘露元年甘露降

後漢光武建武十二年夏甘露降
中元元年郡國頻上言甘露降
明帝永平十七年正月甘露降於甘陵
章帝建初四年甘露降泉陵沅陽二縣
安帝延光三年四月壬戌沛國言甘露降豐縣七月馮翊言甘
露降頓陽衙
延熹元年上郡言甘露降
魏高貴鄉公甘露元年五月鄴及上谷並言甘露降
陳留王咸熙二年四月南深澤縣言甘露降
吳孫權黃武二年曲阿言甘露降
嘉禾五年武昌言甘露降於禮賓殿
亦烏二年零陵言甘露降
九年武昌言甘露降

孫皓甘露元年四月蔣陵言甘露降遂改元

陳宣帝大建七年甘露降樂游苑立甘露亭

魏太武大延元年甘露降於殿內

唐武德九年四月甘露降於中華殿之桐樹法如冰雪以示羣臣

貞元十年正月西川奏當管甘露降松栢樹竹叢等二千四百四十二處

蜀太建元年嘉陽諸州言甘露降

宋乾德四年二月長春節甘露降江陵府報恩院連十日霏微如烟霧漬栢葉皆甘露

太平興國三年正月甘露降壽州廡色如琥珀徧覆庭楹

端拱二年二月甘露降壽州廡園栢及資聖寺楹狀若垂蔭色如凝脂

景平元年富順監有甘露降梅柳霏灑如珠

景德元年九月甘露降桂州永寧縣桐樹如稻米色白

按三朝國史有符瑞志內述甘露自乾德而後州縣所上甚多咸平以來尤甚幾無歲無之此姑著其一二云

熙寧元年距元豐八年天下言甘露降凡二十餘處元祐元年距元符三年亦如之

建中靖國元年距宣和七年中外言甘露降多不可紀其尤著者大觀初降于九城宮帝寤室三年冬降于尚書省及曹御製

七言四韻詩賜執政以下其後內自禁中宣和殿延福宮神霄宮下至三學開封府大理寺宰臣私第皆有之歲歲拜表稱賀

天雨異物

春秋文公三年秋雨蚤于宋公羊傳雨

何墜而死也穀乘

傳著於上見於下謂之雨詳見蝗

顯王三年雨金子櫟陽言雨金子秦國

蘇王三十一年齊千乘博昌之間方數百里雨血沾衣時燕昭

王伐齊齊潛王出奔為楚將淖齒所弑

漢惠帝二年天血雨於宜陽一頃所詳見

元帝永光二年八月天雨草詳見

成帝鴻嘉四年秋雨魚于信都長五寸以下

哀帝建平四年山陽湖陵雨血廣三尺長五尺大者如錢小者

如麻子

平帝元始元年正月天雨草詳見

後漢桓帝建和三年秋七月北地廉雨肉似羊肋肋骨也或大如

手詳見白

晉武帝泰始八年五月蜀地雨白毛詳見白

永康元年尉氏雨血

建興元年河東地震雨血劉聰時平陽星隕為肉長三十步

詳各見

隋開皇六年七月京師雨毛如髮尾長者三尺餘短者六七寸

詳見

開皇十二年空中有物闐而墜如羝羊詳見羊

後齊河清二年太原雨血

梁大同元年天雨土

二年天雨灰其色黃

大寶元年天雨黃沙詳見黃

後周大象二年正月天雨黃土

隋開皇二年京師雨土各見黃

唐武德初突厥雨血三日

垂拱三年廣州雨金

四月雨桂子于台州旬餘乃止古曰天雨草木人多死

神龍二年越州雨毛

貞元四年雨木于陳留十里許大如指長寸餘中空所下立如

植詳見木不是歲大雨有物墮地如猪詳見系

二十七年雨赤雪于京師

乾符二年洛陽因暴雨有物墮地如羝羊詳見羊

貞觀七年三月不徽三年三月景龍元年六月十二月天寶十

三載二月大曆七年十二月貞元二年四月八年二月開成元

年七月咸通十四年三月中和二年五月天復三年二月天祐

元年閏四月俱雨土

光啓二年揚州雨魚

宋淳化三年正月京師雨土

熙寧元年三月丁酉潭州雨元

八年五月丁丑雨黃土燕細毛

元豐三年六月己未饒州長山雨水子數畝狀類山芋子味香

而辛土人以為桂子又曰菩提子明道中嘗有之是歲大稔

五年三月己巳六年四月辛未雨土

元祐七年正月天雨塵土土民勞苦

宣和元年三月雨土

嘉興二十六年七月雨水銀

宣公七年秋大旱是夏宣與齊侯伐萊
 襄公五年秋大雩先是楚伐宋取彭城鄭畔中國附楚襄與諸
 侯共圍彭城城鄭虎牢以禦楚有炕陽動衆之應
 八年九月大雩時作三軍季氏盛
 二十八年八月大雩先是比年晉使荀吳齊使慶封來聘是夏
 邾子來朝襄有炕陽自大之應

文獻通考卷之三百四

宋鄱陽 馬 端臨 貴與 著
 明蘄陽 馮 天馭 應房 校刊

物異考 恒暘

春秋僖公二十一年夏大旱董仲舒劉向以爲齊桓既死諸侯
 從楚僖尤得楚心外倚強楚炕陽失衆又作南門勞民興役諸
 雩旱不雨略皆同說

宣公七年秋大旱是夏宣與齊侯伐萊
 襄公五年秋大雩先是楚伐宋取彭城鄭畔中國附楚襄與諸
 侯共圍彭城城鄭虎牢以禦楚有炕陽動衆之應
 八年九月大雩時作三軍季氏盛
 二十八年八月大雩先是比年晉使荀吳齊使慶封來聘是夏
 邾子來朝襄有炕陽自大之應

昭公三年八月大雩劉歆以為昭公居喪不哀炕陽失衆
六年九月大雩時魯莒連兵有炕陽動衆之應

十六年九月大雩先是昭公國夫人歸氏薨昭不感與三年同
占

二十四年八月大雩時魯襲邾師邾愬于晉晉執我行人叔孫
婁

二十五年七月上辛大雩季辛又雩旱甚也劉歆以為時后氏
與季氏有隙公信讒伐季氏為所敗出奔齊

定公十年九月大雩時公侵鄭城中城圍鄭
莊公三十一年冬不雨是歲一年而三築臺奢侈不恤民

僖公二十年冬十月不雨三年春正月不雨夏四月不雨六月
雨時南敗邾東敗莒有炕陽之應

文公二年自十二月不雨至于秋七月文公即位天子使叔服

會莒毛伯賜命又會晉侯于戚公子遂如齊納幣又與諸侯盟

上得天子外得諸侯沛然自大躋僖公主大夫始顛事謂季孫

十年自正月不雨至于秋七月先是公子遂會四國而救鄭楚

使越椒來聘秦人歸棗有炕陽之應

十三年自正月不雨至于秋七月先是曹伯杞伯滕子來朝邾

伯來奔秦伯使遂來聘季孫行父城諸及鄆二年之間五國趨

之內城二邑炕陽失衆一曰不雨而五穀皆熟異也文公時大

夫始專盟會公孫敖會晉侯又會諸侯盟于垂隴故不雨而生

者陰不出氣而私自自行以象施不由上出臣下作福而私自成

一曰不雨近常陰之罰君弱也

秦始皇十二年天下大旱六月至八月乃雨

漢惠帝五年夏大旱江河水少谿谷絕先是發民男女十四萬

六千人城長安是歲城乃成

文帝三年秋天下旱是秋匈奴寇邊發兵擊之出塞其秋濟北王與君反討平之

後六年天下大旱時匈奴大入上郡雲中烽火通長安遣三將軍屯邊又三將軍屯京師

九年春大旱

景帝中三年秋大旱後二年秋大旱

武帝建元四年六月旱

元光六年夏大旱是歲四將軍征匈奴

元朔五年春大旱是歲六將軍衆十餘萬征匈奴

元狩三年夏大旱是歲發天下故吏伐棘上林穿昆明池

元封六年秋大旱

天漢元年夏大旱其三年夏大旱先是貳師將軍征大宛還三將軍征匈奴李陵沒不還

征和元年夏大旱是歲始治巫蠱明年衛皇后太子敗

昭帝元始六年大旱先是大鴻臚田廣明征益州暴師連年

元鳳五年夏大旱

宣帝本始元年夏大旱東南數千里先是五將軍衆二十萬征匈奴

神爵元年秋大旱是歲後將軍趙充國征西羌

建始元年二年大旱

成帝永始三年四年夏大旱

建平四年春大旱

後漢世祖建武三年七月洛陽大旱

五年夏旱京房易傳曰欲德不用茲謂張厥災荒其旱陰雲不雨變而赤因四陰衆出過時茲謂廣其旱不生上下皆蔽茲謂隔其旱天赤三月時有雹殺飛禽上緣求妃茲謂僭其旱三月

物異

易

文獻通考卷三百四

三

崇禎三年重刊

大温云雲君高臺府茲謂犯陰侵陽其旱萬物根死有火災庶

位踰節茲謂僭其旱澤物枯為火所傷春秋考異郵曰國大旱

不施君上失制奢淫借差氣亂感天則旱微見又云陰厭陽移

君淫民惡陰精不舒陽偏不施又云陽偏民怨微也在所以感

收枯骨上奢則求多則下竭下竭則潰君不仁管子曰春不

碎責租稅伐枯木而起去之則夏旱方儲對策曰百姓苦士卒煩

熟推其祥揆合於天圖之事情旱災可除夫旱者過曰天王無

意於百姓思德不行萬是時天下僭逆者未盡誅軍多過時今

注曰建武六年六月九年春十二年五月二十一年六月明帝

永平元年五月八年冬十二年八月十三年八月十八年三月

早並

章帝章和二年夏旱時章帝崩後竇太后兄弟用事奢僭注曰

建初二年夏旱陽旱四年夏元和元年春並旱按楊終傳建初

元年大旱穀貴終以為廣陵楚淮陽濟南之獄徒者數萬人吏

民怨曠上疏云久旱孔叢曰建初元年大旱天子憂之侍御史

孔子豐乃疏曰臣聞為不善而災報得其應也為善而災至遭

時運也陛下即位日淺視民如傷而不幸耗旱時運之會耳非

政教所致也昔成湯遭旱因自責省政散積減御損食而大有

年意者陛下未為成湯之事焉天子納其言

而食之三日雨即降轉拜黃門郎典東觀事

帝永元六年秋京師旱時雒陽有寃囚和帝幸雒陽寺錄囚

徒理寃囚收令下獄抵罪行未還宮澍雨降古今注曰永元二

五年丹陽郡國二十二並旱或傷稼安帝古注曰永初元年

郡國八旱分遣議郎請雨按本紀二年五月旱皇太后幸雒陽

寺錄囚徒即日降雨六月京師及諸

國四十大水蟻云旱得水無救為災

永初六年夏旱古今注曰三年郡國

七年夏旱

元初元年夏旱

二年夏旱三年夏旱時西羌寇亂

六年夏旱古今注曰建光元年郡國四旱

順帝永建三年夏旱

五年夏旱

陽嘉二年夏旱時李固對策以為奢僭所致也臣下按本紀元

郎顛傳人君恩澤不施於民祿去公室臣下專權所致也又周

舉傳三年河南二輔六旱五穀傷災天子觀自露坐德陽殿喪

事

雨

冲帝永嘉元年夏旱時冲帝幼崩太尉李固勸太后及兄梁冀立嗣帝擇年長有德者天下賴之則功名不朽年幼未可知如後不善悔無所及時太后及冀貪生年幼欲以自專遂立質帝八歲此不用德古今注曰本初元年二月五日師早

桓帝元嘉元年夏旱是時梁冀秉政妻子並受封寵踰節

延熹元年六月旱京房占曰人君無施澤惠利於下則致旱也

兆民勞功吏賜鯨寡廩不足按陳蕃上疏言

靈帝熹平五年夏旱蔡邕作伯夷叔齊碑曰熹平五年天下大旱

字玄成夢陵首陽有神馬之節在道明覺而思之以其夢狀

上聞天子開三府請雨使者由鄆縣戶曹掾吏登山升桐手書

六年夏旱

元和五年夏旱

六年夏旱是時常侍黃門帶作威福

獻帝興平元年秋長安旱是時李傕郭汜專權縱肆獻帝起居注曰建安

十七年夏四月旱

魏明帝太和二年五月大旱元年已來崇廣宮府之應也又是

春宣帝擒孟達張郃破諸葛亮斃馬謖亢陽自大又其應也

太和五年三月自去冬十月至此月不雨辛巳大雩

齊王正始元年二月自去冬十二月至此月不雨去歲曹爽白

帝轉宣帝為太傅外示尊崇內實欲令事先由已時宣帝功蓋

魏朝欲德不應之驗也

高貴鄉公甘露三年正月自去秋至此月旱時文帝圍諸葛誕

衆出過時之應也初壽春秋夏常雨淹城而此旱踰年城陷乃

大雨咸以誕為天亡

吳孫權嘉禾四年自十月不雨至于夏

皇

皇

皇

孫亮五鳳二年大旱百姓飢是年征役煩興軍士怨叛此亢陽自大勞役失衆之罰也其後彌歲故旱亦竟年

孫皓寶鼎元年春夏旱時皓遷都武昌勞役動衆之應

晉武帝泰始七年五月閏月旱大雩

八年五月旱是時帝納荀勗邪說留賈充不復西鎮而任愷漸踈上下皆蔽之應也及李意魯之卒亂等並在散職近厥德不用之謂也

九年自正月旱至于六月祈宗廟社稷山川癸未雨

十年四月旱去年秋冬採擇卿校諸葛冲等女是春五十餘人入殿簡選又取小將吏女數十人母子號哭於宮中聲聞于外行人悲酸是殆積陰生陽上緣求妃之應也

咸寧二年五月旱大雩至六月乃澍之成反雨又音尙

太康二年旱自去冬至此春

三年四月旱乙酉詔司空齊王攸與尚書廷尉河南尹錄訊繫囚事從蠲宥

五年六月旱此年正月天陰解而復合劉毅上疏曰必有阿黨之臣姦以事君者當誅而不赦也帝不答是時荀勗馮統僭作威福亂朝尤甚

六年三月青梁幽冀郡國旱六月濟陰武陵旱傷麥

七年夏郡國十二大旱

八年四月冀州旱

九年夏郡國三十二旱扶風始平京兆安定旱傷麥

十年二月旱

太熙元年三月旱自太康已後雖正人滿朝不被親仗而賈充荀勗楊駿馮統等迭居要重所以無年不旱者欲德不用上下皆蔽庶位踰節之罰也

惠帝元康七年七月秦雍二州大旱疾疫關中飢米斛萬錢因
此氏羌反叛雍州刺史解系敗績而飢疫荐與海同臻戎晉並
困朝廷不能振詔聽相賣鬻其九月郡國五旱

永寧元年自夏及秋青徐幽并四州旱十二月又郡國十二旱
是年春三王討趙王倫六旬之中軍士戰死者十餘萬人

懷帝永嘉三年五月大旱襄平縣梁水淡池竭河洛江漢皆可
涉是年三月司馬越歸京都遣兵入宮收中書令繆播等九人
殺之皆僭踰之罰也又四方諸侯多懷無君之心劉元海石勒
王彌李雄之徒賊害百姓流血成泥又其應也

五年自去冬旱至此春去歲十一月司馬越以行臺自隨斥黜
宮衛無君臣之節

愍帝建武元年六月揚州旱去年十二月淳于伯寃死其年即
旱而太興元年六月又旱于寶口殺淳于伯之後旱三年是也

刑罰妄加羣陰不附則陽氣勝之罰也

元帝太興四年五月旱是時王敦陵僭已著

永昌元年夏大旱是年三月王敦有石頭之變二宮陵辱大臣
誅死僭踰無上故旱尤甚也其閏十一月京都大旱川谷並竭

明帝大寧三年自春不雨至于六月
成帝咸和元年夏秋旱是時庾太后臨朝稱制言不從而僭踰
之罰也

二年夏旱

五年五月大旱

六年四月大旱

八年秋七月旱

九年自四月不雨至于八月

咸康元年六月旱是時成帝冲弱未親萬機內外之政決之將

相此僭踰之罰連歲旱也至四年王導固讓大傅復于明辟是後不早殆其應也時天下普旱會稽餘姚特甚米斗直五百人有相鬻者

二年三月旱

三年六月旱時王導以天下新定務在遵養不任刑罰遂盜賊公行頻五年亢旱亦舒緩之應也

康帝建元元年五月旱

穆帝永和元年五月旱是時帝在襁緥褚太后臨朝如明穆太后故事

五年七月不雨至于十月

六年夏旱

八年夏旱

九年春旱

升平三年冬大旱

四年冬大旱

哀帝隆和元年夏旱是時桓温強恣權制朝廷踰僭之罰也

海西公太和元年夏旱

四年冬旱涼州春旱至夏

簡文帝咸安二年十月大旱飢自永和至是嗣主幼冲桓温陵僭用兵征伐百姓怨苦

孝武帝寧康元年三月旱是時桓温入觀高平陵闔朝致拜踰僭之應也

三年冬旱

太元四年夏大旱

八年六月旱

十年七月旱飢初八年破符堅九年諸將略地有事徐豫楊亮

趙統攻討巴沔是年正月謝安又出鎮廣陵使子琰進次彭城
頻有軍役

十三年六月旱去歲北府遣戍胡陸荆州經略河南是年夏郭
銓置戍野王又遣軍破黃淮

十五年七月旱

十六年秋旱至冬是時烈宗仁恕信任會稽王道子政事舒緩
又茹千秋為驃騎諮議切弄主相威福又丘尼乳母親黨及婢
僕之子階緣近習臨部領眾又所在多上春竟囚不以其辜建
康獄吏枉暴既甚此又僭踰不從寬濫之罰

安帝隆安二年冬旱寒甚

四年五月旱

五年夏秋大旱十二月不雨時孫恩作亂桓玄疑貳迫殺殷仲
堪而朝廷卽授以荆州之任司馬元顯又諷百僚悉使敬已內

外騷動兵甲煩興此皆陵陷憂愁之應也

元興元年七月大飢九月十月不雨泉水涸

二年六月不雨冬又旱時桓玄奢僭十二月遂篡位

三年八月不雨

義熙四年冬不雨

六年九月不雨

八年十月不雨

九年秋冬不雨

十年九月旱十二月又旱井瀆多竭是時軍役煩興

宋文帝元嘉八年夏六月旱大雪

二十八年三月大旱

孝武大明八年冬諸郡大旱甚者米一斗數百都下亦至百餘
錢餓死者十六七

梁武帝天監元年大旱米斗五千人多餓死洪範五行傳曰君
持亢陽之節與師動衆勞人過度故旱災應初帝起兵襄陽破
張冲敗陳伯之及平建康前後連戰百姓勞敝及即位後復與
魏交兵不止之應也

簡文帝大寶元年夏大旱人相食都下尤甚

陳宣帝大建十二年春不雨至四月先是周師掠淮北始興王
叔陵等諸軍敗績淮北地皆沒于周是其應也

後魏孝文太和十五年自正月不雨至于四月

宣武景明四年旱

正始元年旱

永平二年旱

三年冀定二州旱

延昌元年自二月不雨至五月

孝明神龜元年自正月不雨至六月

正光二年旱

孝靜帝天平二年大旱

東魏天象四年并肆汾建晉絳秦陝等諸州大旱人多流散是
歲齊神武與西魏戰於沙苑敗績死者數萬

東魏武定二年冬春旱先是西魏師入洛陽神武親帥軍大戰
於芒山死者數萬

後齊天保九年夏大旱先是大發卒築長城四百餘里勞役之
應也

乾明元年春旱先是發卒數十萬築金鳳聖應崇光三臺窮極
侈麗不恤百姓亢陽之應也

河清二年四月并晉已西五州旱是歲發卒築軹關突厥二十
萬衆毀長城寇恒州

物異 周易二八之大過卷三百四

崇禎三年重刊

後主天統二年春旱是時大發卒起大明宮

隋開皇四年已後京師頻旱時遷都龍首建立宮室百姓勞弊尤陽之應也

大業四年燕代緣邊諸郡旱時發卒百餘萬築長城帝親巡塞表百姓失業道殣相望

八年天下旱百姓流亡時發四海兵帝親征高麗六軍凍餓死者十八九

十二年天下大旱時郡縣鄉邑悉遣築城發男女無少長皆就役

唐武德三年夏旱至于八月乃雨

四年自春不雨至于七月雨少陰之氣其氣毀則不雨少陰者金也金為刑為兵刑不辜兵不戢則金氣敗故常為旱火為盛陽陽氣強悍故聖人制禮以節之禮失則僭而驕炕以導盛陽

火勝則金衰故亦旱於五行土實制水土功興則水氣壅閼又常為旱天官有東井主水事天漢天江亦水祥也水與火仇而受制于土土火謫見若日蝕過分而未至與七曜循中道之南皆旱祥也

七年秋關內河東旱

貞觀元年夏山東大旱

二年春旱

三年春夏旱

四年春旱自太皇傳位至此而比年水旱

九年秋劍南關東州二十四旱

十二年吳楚巴蜀州二十六旱冬不雨至于明年五月

十七年春夏旱

二十一年秋陝絳蒲夔等州旱

二十二年秋開萬等州旱冬不雨至于明年三月

永徽元年京畿雍同終等州十旱

二年九月不雨至于明年二月

四年夏秋旱光葵滁潁等州尤甚

顯慶五年春河北州二十二旱

總章元年京師及山東江淮大旱

二年七月劍南州十九旱冬無雪

咸亨元年春旱秋復大旱

儀鳳二年夏河南河北旱

三年四月旱

永隆二年關中旱霜大飢

永淳元年關中大旱飢

二年夏河南河北旱

十九年正月不雨至七月甲戌乃雨

永貞元年秋江浙淮南荆南湖南鄂岳陳許等州二十六旱

元和三年淮南江南江西湖南廣南山南東西皆旱

四年春夏大旱秋淮南浙西江西東旱

七年夏揚潤等州旱

八年夏同華二州旱

十五年夏旱

寶曆元年秋荆南淮南浙西江西湖南及宣襄鄂等州旱

太和元年夏京畿河中同州旱

六年河東河南關輔旱

七年秋大旱

八年夏江淮及陝華等州旱

九年秋京兆河南河中陝華同等州旱

物異

百易

文獻通考卷三十四

七

開成二年春夏旱

四年夏旱浙東尤甚

會昌五年春旱

六年春不雨冬又不雨至明年二月

大中四年大旱

咸通二年秋淮南河南不雨至于明年六月

九年江淮旱

十年夏旱

十一年夏旱

廣明元年春夏大旱

中和四年江南大旱飢人相食

景福二年秋大旱

光化三年冬京師旱至于四年春

元昌元年三月旱

神功元年黃隋等州旱

又視元年夏關內河東旱

長安二年春不雨至于六月

三年冬無雪至于明年二月

神龍二年冬不雨至于明年五月京師山東河北河南旱飢

太極元年春旱七月復旱

開元二年春大旱

十二年七月河東河北旱帝親禱雨宮中設壇席暴立三日九月蒲同等州旱

十四年秋諸道州十五旱

十五年諸道州十七旱

十六年東都河南宋亳等州旱

物異 區陽

文獻通考卷三百四

三

二十四年夏旱

永泰元年春夏旱

二年關內大旱自三月不雨至于六月

大曆六年春旱至于八月

建中三年自五月不雨至于七月

興元元年冬大旱

貞元元年春旱無麥苗至于八月旱甚灞澮將竭井皆無水

六年春關輔大旱無麥苗夏淮南浙西福建等道大旱井泉竭人暍且疫死者甚衆

七年楊楚滁壽澧等州旱

十四年春旱無麥

十五年夏旱

十八年夏申光蔡州旱

宋建隆二年京師夏旱冬又旱

三年京師春夏旱河北大旱霸州苗皆焦什又河南河中府孟澤濮鄆齊濟澶滑延隰宿等州並春夏不雨

四年京師夏秋旱又懷州旱

乾德元年冬京師旱

二年正月京師旱夏不雨冬無雪是歲河南府陝虢麟博靈州旱河中府旱甚

四年春至夏京師不雨江陵府華州連水軍旱

五年正月京師旱秋得雪冬無雪

開寶元年冬京師無雪

二年夏至七月京師不雨

三年春夏京師旱冬無雪邠州夏旱

五年春京師旱冬又旱

六年冬京師旱

七年京師春夏旱冬又旱河南府晉解州夏旱滑州秋旱

八年春京師旱是歲關西飢旱甚

太平興國二年正月京師旱

三年春夏京師旱

四年冬京師旱

七年春京師旱孟統絳密瀛衛曹淄州旱

九年夏京師旱秋江南大旱

雍熙二年冬京師旱

三年冬京師旱

四年冬京師旱

端拱二年五月京師旱秋七月至十一月旱上憂形於色蔬食致禱是歲河南登萊深冀旱甚民多飢死詔發倉粟貸之人五

淳化元年

正月至四月不雨京師民飢上蔬食祈雨河南鳳翔大名京兆府許滄單汝乾鄭同州旱

二年春京師大旱蝗冬復大旱是歲河南北河東陝西及亳建

淮陽等二十六州軍旱

三年夏京師不雨河南府許汝毫滑商州旱

五年六月京師旱疫遣太醫和藥救之

至道元年京師春旱冬無雪

二年春夏京師旱冬無雪

咸平元年春夏京畿旱又江浙淮南荆湖四十六州軍旱

二年春京師旱甚又廣南西路江浙荆湖及曹單嵐州淮陽軍旱

三年春京師旱江南頻年旱歉多疾疫

皇

皇

皇

四年京畿正月至四月不雨

景德元年京師夏旱人多暍死

三年夏京師旱

大中祥符二年春夏京師旱河南府及陝西路潭邢州旱

三年夏京師江南路及宿遷州旱

八年春京師旱

九年秋京師旱又大名府瀘州旱

天禧元年京師春旱秋又旱夏陝西旱

四年春利州路旱夏京師旱

五年冬京師旱

天聖二年春不雨 八月辛未開封府言陽武等一十三縣大旱傷苗

六年四月不雨

以道元年畿縣久旱傷苗

明道二年南方大旱種餉皆絕人多流亡因飢成疫死者十二

三官作粥糜以飼之得食輒死

寶元元年益州路自夏至秋不雨蜀大旱

慶曆三年京師自春至夏不雨

四年春京師及諸路久不雨

七年正月京師不雨

皇祐三年恩冀諸州旱

嘉祐五年梓州路夏秋不雨

七年春旱

治平元年春京師踰時不雨鄭滑蔡以頽臺曹漢洛磁晉耀登

等州河中府慶成軍旱

二年春不雨

熙寧二年三月旱甚

三年畿內及諸路旱八月衛州旱

五年五月北京自春至夏不雨

七年自春至夏河北河東陝西京東西淮南諸路久旱九月

諸路復旱新復洮河亦旱羗戶多殍死

八年四月真定府旱八月淮南兩浙江南荆湖等路旱

九年八月河北京東西河東陝西旱

十年春諸路旱

元豐二年春河北陝西京東西諸路旱

三年春西北諸路旱

五年春旱

六年夏畿內旱

八年旱

元祐二年春旱

三年秋諸路旱京西陝西尤甚

四年春京師及東北旱

五年旱

八年秋旱

紹聖元年春旱

三年江東大旱溪河涸竭

四年夏兩浙旱

元符元年東南旱

三年春京畿旱

建中靖國元年衛信等州旱

大觀三年淮南江東西諸路大旱六月不雨至于十月

政和元年淮南旱

嘉祐

卷之三十四

三十七

三年江東旱疫

宣和元年淮南秋旱

四年東平府旱

五年夏秦鳳路旱是歲燕山府路旱

建炎二年夏旱少陰之氣斃則不雨少陰者金也金為刑為兵刑不辜兵不戢則金氣斃故為旱火益陽也陽氣強悍故聖人制禮以節之禮失則僭而驕炕以導益陽火勝則金衰故亦旱土實制水土功興則水氣壅閼亦為旱天官有東井主水天漢天江亦水祥也水與火仇而受制於土土火謫見若日蝕過分而未至與七曜循中道之南皆旱祥也

紹興三年常州大旱

二年四月旱至于七月

五年五月浙東西旱五十餘日

六月江東湖南旱

秋四川

郡縣旱甚

六年夔潼成都郡縣及湖南衡州皆旱

七年春旱七十餘日六月又旱

八年冬不雨

九年六月旱六十餘日

十一年七月旱

十二年三月旱六十餘日 秋京西淮東旱

十八年浙東西旱

二十九年二月旱七十餘日 秋江浙郡國旱

三十年春階成鳳西和州旱 秋江浙郡邑旱浙東尤甚

隆興元年江浙郡縣旱京西大旱

二年台州春旱興化軍漳福州大旱首種不入自春至于八月

乾道三年春四川郡縣旱至于秋七月綿劍漢州石泉軍尤甚

物異

恒陽

文獻通考卷三百四

七

崇禎三年重刊

四年六月旱襄陽隆興建寧俱旱

五年夏秋淮東旱盱眙淮陰為甚

六年夏浙東福建路旱温台福漳為甚

七年春江東南湖南北淮南浙婺秀州皆旱至于夏秋江洪筠

潭饒南康興國臨江尤甚首種不入冬不雨

九年浙東婺處温台州江西吉贛臨江南安湖北江陵府皆久

旱無麥苗

淳熙元年浙東湖南郡縣旱台處彬桂為甚蜀關外四州旱

二年秋江浙淮皆旱紹興鎮江寧國建康常和滁真揚盱眙廣

德為甚

三年夏浙西常昭復隨郢金洋州江陵德安興元荆門漢陽皆

旱

四年冬襄陽旱首種不入

五年浙西鎮江常州蜀綿州及淮南江東西旱

六年衡永楚高郵旱

七年湖南旱諸道自四月不雨行都自七月不雨皆至九月越

台婺常潤秀隆興興國臨江江筠撫吉饒信徽池建康南康舒

蘄黃和無為潭衡永江陵皆大旱

八年正月甲戌積旱始兩七月不雨至于十一月越婺衢嚴湖

常臨安鎮江江陰建康饒信徽南康廣德興國江陵德安鄂復

漢陽信陽荆門昌長寧京西淮郡皆旱徽楚嚴越尤甚

九年五月不雨至于七月潤婺處温洪吉撫筠袁臨江建昌江

陵德安潭鄂復漢陽荆門信陽恭合昌晉資渠利閔忠涪萬梁

山南平廣安襄陽皆旱

十年六月旱至于七月江淮建康和興國恭涪瀘合金南平旱

十一年四月不雨至于八月吉贛建昌福泉汀漳潮梅循邕賓

物異

大宋景祐元年

七

象興元金洋西和皆旱吉興元元其冬不雨至明年二月

十四年五月旱臨安鎮江嚴常湖秀紹興衢婺處明台饒信隆

興江吉撫筠表臨江興國建昌皆旱

十五年舒州旱

紹熙元年重慶蘄州池州旱

二年五月真揚通泰蔡公和高郵盱眙及蜀普隆涪渝遂富順

監皆旱簡資榮州大旱

三年夏郢揚和三州大旱秋簡資普榮叙隆富順監復大旱

四年綿州大旱亡麥簡資普渠合州廣安軍旱江浙自六月不

雨至于八月婺台信鎮江江陵江西淮東旱

五年浙東西自去冬不雨至于夏秋常秀鎮江江陰大旱淮東

西旱廬和濠楚為甚江西七郡秋旱

慶元三年潼利夔路十五郡旱自四月至于九月金隆普州大

旱

六年四月旱常州鎮江府大旱木竭淮郡自春無雨首種不入

及京襄皆旱

嘉泰元年夏五月旱浙西郡縣及蜀郡十五皆大旱

二年春旱至于夏秋浙西湖南江東旱常秀潼永鎮江建康為

旱

四年五月不雨至七月浙東江西旱

開禧元年夏浙東西不雨百餘日衢婺嚴越大旱鼎豐忠涪亦

旱

二年南康軍江西湖南北旱

三年二月不雨

嘉定元年夏旱至七月乃雨

二年四月旱首種不入至七月乃雨浙西大旱常潤為甚淮東

旱

旱

旱

西江東湖北皆旱

四年資昌普合州旱

六年五月不雨至七月江陵德安漢陽旱

八年春旱首種不入至八月乃雨江浙閩皆旱衢婺温台明
微池真太平建康寧國廣德與國南康盱眙安豐為甚

十年七月不雨

十一年秋不雨至于冬淮郡及常州鎮江建康江陰廣德旱蔬
麥皆枯

十四年浙閩廣旱明台衢婺温福為甚江西旱贛吉建日為甚
十五年五月不雨至七月贛州大旱

十六年五月不雨岳州旱

恒燠

春秋桓公十五年春亡水劉向以為周春今冬也

成公元年二月無水

襄公二十八年春無水說曰水旱之災寒者之變天下皆同故
曰無水天下異也桓公殺兄弑君外成宋亂與鄭易邑背叛周
室成公時楚橫行中國王札子殺召伯毛伯晉敗天子之師于
賀戎天子皆不能討襄公時天下諸侯之大夫皆執國權君不
能制漸將日甚善惡不明賞罰不行周失之舒秦失之急故周
衰亡寒歲秦滅亡燠年

漢武帝元狩六年冬無水先是比年遣大將軍衛青霍去病攻
祁連絕大幕窮追單于斬首數十萬級還大行慶賞乃閔海內
勤勞遣博士褚大等六人持節巡行天下存賜鰥寡假予困乏
惠遺逸獨行君子郡國有以便宜上者丞相御史以聞天下咸
喜

昭帝始元二年冬亡水是時上年九歲大將軍霍光秉政始行

寬緩欲以說下

後齊天保八年三月大熱人或暍死劉向五行傳曰視不明用
近習賢者不進不肖不表百職廢壞庶事不從其過在政教舒
緩時帝狂躁荒淫無度之應

唐天寶元年冬無冰先儒以為陰失節也又曰知罪不誅其罰
燠夏則暑殺人冬則物華實蓋當寒反燠象宜刑而賞之也
貞元十四年夏大燠

元和九年六月大燠

長慶二年冬少雪不冰凍草木萌莢如正月

廣明元年十一月煖如仲春

宋淳化二年冬京師無冰

大中祥符二年京師冬温無冰

天聖五年夏秋大暑毒氣中人占者曰此公範所謂恒燠也

嘉祐六年冬鰯無冰

治平四年冬無雪

元豐八年冬無雪

元祐元年冬無雪

四年冬無雪

五年冬無冰雪

紹興五年五月大燠四十餘日草木焦槁山石可灼人死於暑
者甚衆

三十一年冬無雪

乾道三年冬温少雪無冰

五年冬温亡雪

六年冬復温無雪無冰

紹興三年潼川路不雨氣燠如仲夏日月皆赤榮州尤甚

慶元元年冬無雪

四年冬無雪越歲春燠而雷

六年冬燠無雪桃李華繁蟲不藏管子曰臣乘君威則陰侵陽

盛冬不冰時韓侂胄擅朝陰禱陽之象

開禧三年冬少雪

嘉定元年春燠如夏

六年冬燠無冰有雷昆蟲不蟄

八年夏五月大燠草木枯槁

水數十錢暍死者甚衆

九年冬無雪

十三年冬無冰臘無雪越歲春暴燠土燥泉竭

文獻通考卷之三百四

寬政戊午

